



„Merhamet“ i u 2025. godini ostvario sjajne rezultate

PODIJELJENA POMOĆ OD 14 MILIONA KM



Pomoć djeci iz siromašnih porodica
**UČENICIMA I STUDENTKINJAMA
PODIJELJENO 520 STIPENDIJA**

Investicija od 220.000 KM

**NAKON TUZLE I GORAŽDA,
PEKARA I U SREBRENICI**



„NAŠ MERHAMET“

Bilten MDD „Merhamet“
godišnji bilten 2025.

Izdavač:

HO „Merhamet“ MDD
Sarajevo

Za izdavača:

Kenan Vrbanjac

Urednik:

Ruždija ADŽOVIĆ

Grafički dizajn:

Bekir Tvrtković

Sjedište Društva:

Bistrik 2, Sarajevo

Tel/Fax:

+387 (0) 33 236-527

+387 (0) 33 534-609

Web-portal:

www.merhamet.ba

E-mail:

merhamet.info@gmail.com

www.merhamet.ba

Podrška učenicima i studenticama

Str. 10-13

**UČENICIMA I STUDENTKINJAMA
PODIJELJENO 520 STIPENDIJA****Sjajni rezultati „Merhameta“**

Str. 26-31

**U 2025. GODINI PODIJELJENA
POMOĆ OD 14 MILIONA KM****Investicija od 220.000 KM**

Str. 38-41

**NAKO TUZLE I GORAŽDA,
PEKARA I U SREBRENICI****„Merhamet“ u USK se „skućio“**

Str. 42-45

**RO BIHAĆ KONAČNO
U SVOM OBJEKTU****Posjeta sarajevskih srednjoškolaca „Merhametu“****UČENICI GIMNAZIJE „OBALA“
URUČILI VRIJEDNU DONACIJU**

Učenici prvog razreda sara-jevske Gimnazije Obala, u pratnji njihove razrednice, nas-tavnice latinskog jezike Nejre Hoti, posjetili su u martu sjedište Muslimanskog do-brotvornog društva „Mer-hamet“. Ugostio je ih je predsjednik ove humanitarne organizacije Kenan Vrbanjac. Povod ove posjete bio je upoz-navanje s radom „Merhameta“, ali i uručenje novčane donacije koju su prikupili učenici ovog razreda.

Vrbanjac je mladim gostima iz Gimnazije Obala govorio o ak-tivnostima, misiji u budućim planovima „Merhameta“ te im se zahvalio na vrijednoj donaciji, ali i na ideji da iniciraju ovakvu akciju.

Nastavnica Nejra Hoti kazala je



da joj je drago što su ona i njen razred posjetili „Merhamet“ te naglasila značaj ove humanitarne

organizacije koja pomaže ljude u potrebi ne samo u Bosni i Hercegovini, nego i širom svijeta.

www.merhamet.ba

Saradnja "Merhameta" s dugogodišnjim partnerom



NOVI PETOGODIŠNJI SPORAZUM SA "CRVENIM POLUMJESECOM"

Predsjednik HO "Merhamet" MDD Kenan Vrbanjac i generalni sekretar Sidik Aždahić, tokom radne posjete Turskoj, posjetili su "Crveni polumjesec" gdje ih je ugostio generalni direktor za internacionalne poslove i migraciju "Crvenog polumjeseca" Republike Turske Alper Küçük. Razgovarano je o dosadašnjim projektima koje je "Merhamet" realizirao sa "Crvenim polumjesecom", kao i o budućim projektima koje će ove dvije partnerske organizacije implementirati u Bosni i Hercegovini i u svijetu. Vrbanjac i Aždahić su sa svojim domaćinom razgovarali i o potpisivanju novog petogodišnjeg



sporazuma između "Crvenog polumjeseca" i "Merhameta" te su pozvali Alpera Küçüka na obilježavanje 113. godišnjice

Muslimanskog dobrotvornog društva "Merhamet" koja će se organizirati 2. februara 2026. Godine u Sarajevu.

Posjeta delegacije partnerske organizacije

OSMAN ATALAY: "MERHAMET" IMA POSEBNO MJESTO U IHH-u I TURSKOJ



„Merhamet“ ne vidimo samo kao partnera, nego i kao porodicu, kazao je Osman Atalay, potpredsjednik turske organizacije IHH tokom posjete Muslimanskom dobrotvornom društvu „Merhamet“ u Sarajevu. Osman Atalay i Yakup Işık, također potpredsjednik organizacije IHH, predvodili su delegaciju ove turske humanitarne organizacije koju je primio predsjednik HO „Merhamet“ MDD Kenan Vrbanjac. Atalay i Işık zahvalili su „Merhametu“ na izuzetnoj saradnji sa organizacijom IHH.

- Razlog naše posjete BiH jeste da se zahvalimo „Merhametu“, Islamskoj zajednici u BiH i narodu BiH. Mi nastojimo širiti istinu o tome koliko je dragocjena pomoć „Merhameta“ Siriji, Palestini, ali i zemljama Afrike, odnosno kriznim područjima. „Merhamet“ ima posebno mjesto kod nas u IHH-u i Turskoj – kazao je Atalay. Predsjednik „Merhameta“ Kenan Vrbanjac je izrazio zadovoljstvo veoma dobrom saradnjom sa IHH, ne samo u Siriji gdje su za preživjele žrtve katastrofalnog zemljotresa napravljene

jene 42 kuće, dvije škole i džamija, nego i u Palestini, Bangladešu i drugim kriznim područjima.

- To je potvrda izuzetnog povjerenja „Merhameta“ u našu partnersku organizaciju IHH, s kojom ćemo nastaviti saradnju – kazao je Vrbanjac. Delegacija IHH poklonila je „Merhametu“ umjetnički rad na kojem je predstavljena džamija u Soranu koju su „Merhamet“ i IZ u BiH, u saradnji sa IHH, izgradili nakon zemljotresa u Siriji. Džamija nosi naziv Džamija bosanskih šehida.

Održana Izvještajna skupština



VRBANJAC SE ZAHVALIO SVIM UPOSLENICIMA NA POSTIGNUTIM REZULTATIMA „MERHAMETA“

Uručena priznanja uposlenicima „Merhameta“ Medihi Kahvedžić i Zijadu Dardaganu za predan i savjestan rad. Predsjednik Kenan Vrbanjac kazao je da će nagrađivanje najboljih uposlenika biti praksa „Merhameta“ i u buduću

U Sarajevu je održana Izvještajna skupština HO „Merhamet“ MDD. Delegati su jednoglasno usvojili Izvještaj o radu poslovanju HO „Merhamet“ MDD za prethodnu godinu koji je

predočio predsjednik Kenan Vrbanjac, kao i plan rada za narednu godinu. Vrbnjac je iskazao zadovoljstvo postignutim rezultatima „Merhameta“. Izrazio je zahvalnost svim uposlenicima,

naglašavajući da su svi oni zaslužni za izvanredne učinke ove humanitarne organizacije. Usvojen je i Izvještaj o radu Nadzornog odbora HO „Merhamet“ MDD koji je delegatima prezentirao predsjednik


tog odbora Dženan Aganović, kao i Izvještaj o radu Suda časti HO „Merhamet“ MDD. Na Skupštini je usvojen i Izvještaj o reviziji finansijskih izvještaja HO „Merhamet“ MDD za 2024. godinu. Pred-





stavnik revizorske kuće „Revik“ Edin Udovčić kazao je da su provedene sve procedure, izvršena revizija cjelokupnog poslovanja „Merhameta“ te da je ova revizorska kuća dala pozitivno mišljenje. Dodao je da se u „Merhametu“, u svim njegovim segmentima, postupa domaćinski.

Na Skupštini su uručena priznanja uposlenicima „Merhameta“ Medihi Kahvedžić i Zijadu Dardaganu za predan i savjestan rad. Predsjednik Kenan Vrbanjac kazao je da će nagrađivanje najboljih uposlenika biti praksa „Merhameta“ i ubuduće.



„Merhametova“ podrška učenicima iz socijalno ugroženih porodica

UČENICIMA I STUDENTICAMA PODIJELJENO 520 STIPENDIJA



„Merhamet“ Švedske i „Merhamet“ Njemačke obezbijedili su 350 stipendija. Preostalih 170 stipendija isplaćeno je iz „Merhametove“ Fondacije za stipendiranje „Edah Bećirbegović“, a dio je obezbijedio i „Merhametov“ dugogodišnji američki partner „Helping hand“

Muslimansko dobrotvorno društvo „Merhamet“ je u ovoj godini podijelio ukupno 520 stipendija učenicima iz socijalno ugroženih porodica sa područja cijele naše zemlje, kao i studenticama iz Bosne i Hercegovine i

Sandažaka. „Merhamet“ Švedske i „Merhamet“ Njemačke obezbijedili su 350 stipendija. Preostalih 170 stipendija isplaćeno je iz „Merhametove“ Fondacije za stipendiranje „Edah

Bećirbegović“, a dio je obezbijedio i „Merhametov“ dugogodišnji američki partner „Helping hand“. Učenici osnovnih škola dobili su godišnje stipendije u iznosu od po 700 KM, srednjoškolci po

850, a studentice po 1.000 KM. Kako bi se izbjegli troškovi putovanja učenika i njihovih roditelja, dio stipendija koje su obezbijedili Fondacija „Edah Bećirbegović“ i organizacija „Helping hand“ podijeljen je u





sjedištu HO „Merhamet“ MDD u Sarajevu, a drugi dio u prostorijama Regionalnih odbora „Merhameta“ Tuzla i Banja Luka.

- Zahvaljujem se organizaciji „Helping hand“ što je i ove godine podržala ovaj „Merhametov“ humani projekat kojim smo pomogli školovanje djece iz siromašnih porodica u BiH. Za „Merhamet“ je veoma važan ovaj projekat obrazovanja i stipendiranja mladih ljudi čiji roditelji nemaju dovoljno finansijskih mogućnosti za njihovo školovanje - kazao je predsjednik HO „Merhamet“ MDD Kenan Vrbanjac.

Prema njegovim riječima, to se posebno odnosi na manji bh. entitet, na djecu bošnjačkih povratnika

- Ponovo smo omogućili stipendije i za studentice iz BiH i Sandžaka koje borave u „Merhametovoj“ Studentskoj kući u Sarajevu. „Merhamet“ je njima obezbijedio besplatan smještaj, hranu, a evo sada i stipendije - kazao je Vrbanjac.

Dodao je da se „Merhamet“ u podjeli stipendija opredijelio za kalendarsku, a ne za školsku godinu, kako bi mogao pomagati socijalno ugrožene porodice tokom čitavih dvanaest mjeseci.



Fondacija „Muradif Ćato“

„MERHAMETOVE“ NAGRADE ISMAILU BARLOVU, ISMAILU ZULFIĆU I MIRKU PEJANOVIĆU



Uz iskrene čestitke laureatima, predsjednik „Merhameta“ Kenan Vrbnjac je izrazio zadovoljstvo što su laureati upisani u bosanskohercegovačke velikane koji su do sada primili nagrade Fondacije „Muradif Ćato“

Na manifestaciji u Sarajevu, Muslimansko dobrotvorno društvo „Merhamet“ uručilo je godišnje nagrade iz svoje Fondacije „Muradif Ćato“ za 2023. i 2024. godinu. Nagrade su, za njihove izuzetne rezultate na takmičenjima širom svijeta, uručene paraplivačima i najtrofejnijim bh. sportistima Ismailu Zulfiću i Ismailu Barlovu, članovima Plivačkog kluba „Spid“.

„Merhametovu“ nagradu dobio je i akademik Mirko Pejanović, član ratnog Predsjedništva Bosne i Hercegovine, povodom 80 godina života i 40 godina njegovog naučnog i akademskog rada.

Akademik Pejanović je zahvalio „Merhametu“ za priznanje koje mu je dodijeljeno kao priznanje za njegov višedecenijski doprinos humanizmu, društvenom

angažmanu i patriotskom djelovanju. Istakao je važnost pomažanja ljudima, vrijednosti koje su mu usadili otac, profesori i ljudi iz njegovog okruženja. I Ismail Barlov i Ismail Zulfić zahvalili su se na nagradi kazavši da im je čast biti dobitnik „Merhametove“ nagrade koja je uručena najznamenitijim ličnostima i institucijama u Bosni i Hercegovini i van nje.

Naglasili su da im to puno znači, daje im snage da se i dalje bore, da osvajaju nagrade i da se zastava Bosne i Hercegovine vijori u čitavom svijetu. Uz iskrene čestitke laureatima, predsjednik „Merhameta“ Kenan Vrbnjac je izrazio zadovoljstvo što su laureati upisani u bosanskohercegovačke velikane koji su do sada primili nagrade Fondacije „Muradif Ćato“. Ovu nagradu, dodao je, „Merhamet“ dodjeljuje osobama koje najbolje predstavljaju





jaju Bosnu i Hercegovinu.

- Među njima su i naša dva šampiona, Ismail Barlov i Ismail Zulfic, koji su dokazali kako se bori za svoju državu, kako se srcem gine za Bosnu i Hercegovinu. Znamo šta je akademik Mirko Pejanović sve uradio za Bosnu i Hercegovinu, veliki patriota i državnik. I danas promovira i bori se za Bosnu i Hercegovinu - kazao je Vrbanjac. Naglasio je da su rijetke organizacije koje njeguju toliko dugu tradiciju dobročinstva kao „Merhamet“, koji je osnovan daleke 1913. godine.

- Glavni cilj „Merhameta“ tokom cijele njegove historije bio je čuvanje dostojanstva najsiromašnijih kategorija stanovništva u Bosni i Hercegovini, kroz moralnu i materijalnu podršku. U brojnim dramatičnim situacijama kroz koje smo prošli u proteklih 112 godina preživjeli smo zajedno sa svojim narodom sve nevolje i iskušenja. No, „Merhamet“ nikada i nikoga nije napustio, niti iznevjerio. Ruku pomoći pružao je svim ljudima u nevolji, bez obzira na nacionalnu i vjersku pripadnost. Kroz sve historijske etape, „Merhamet“ je imao značajnu historijsku ulogu i mnogo puta je potvrdio svoju snagu.

U budućnosti, planiramo realizovati nove projekte, čiji je cilj briga i pomoć socijalno ugroženim kategorijama stanovništva u našoj zemlji – poručio je Vrbanjac.

Nagrada "Muradif Ćato", nazvana po tom dobrotvoru i vakifu, ustanovljena je 2003. godine. Iste godine prva nagrada te Fondacije dodijeljena je prvom predsjedniku Republike BiH Aliji Izetbegoviću. Na manifestaciji u Bošnjačkom institutu – Fondaciji Adila Zulfikarpašića

uručena je i „Merhametova plaketa“ publicisti Ahmetu Kurtu za njegov istraživački rad i afirmaciju značaja uloge „Merhameta“ tokom njegove istorije.



Pomoć ugroženom narodu Palestine



SVAKODNEVNI OBROCI ZA STANOVNIŠTVO GAZE

Predsjednik HO "Merhamet" MDD Kenan Vrbanjac kazao je da će ova organizacija obezbijediti sredstva za pripremu obroka za stanovništvo Gaze sve dok to budu dozvoljavale okolnosti na tom području

Muslimansko dobrotvorno društvo „Merhamet“ je u 2025. godini svakodnevno pripremao obroke za ugroženo stanovništvo Gaze. Obroci su se pripremali u saradnji s turskom partnerskom organizacijom IHH koja ima improvizovanu kuhinju na području Gaze, kao iz u podršku "Merhameta" Švedske.

Predsjednik HO "Merhamet" MDD Kenan Vrbanjac kazao je da će ova organizacija obezbijediti sredstva za pripremu obroka za stanovništvo Gaze sve dok to budu dozvoljavale okolnosti na tom području. - Naši partneri iz turske humanitarne organizacije IHH su na terenu. Zahvaljujući nji-

hovoj improviziranoj kuhinji u Gazi, "Merhamet", shodno svojim mogućnostima, svakodnevno hrani brojne porodice na tom području – kazao je Vrbanjac dodajući da su, inače, "Merhamet" i IHH su u protekle dvije godine pripremali obroka za stanovništvo Gaze, pa imaju iskustva u tome.

Odmah nakon početka izraelske agresije, „Merhamet“ je pokrenuo veliku akciju prikupljanja pomoći za Gazu koja i dalje traje. Otvoren je humanitarni broj telefona i namjenski račun. "Merhamet" je za ugrožene stanovnike Gaze obezbijedio i veliki broj prehrambenih paketa.





Proizvodnja na poljoprivrednom imanju u Zavidovićima



ZA „MERHAMETOVE“ JAVNE KUHINJE 80 TONA POVRĆA

Trenutno imamo 14 plastenika i jedan staklenik koji nam je pomogao da umnogome smanjimo troškove proizvodnje povrća na našem imanju u Zavidovićima, kaže predsjednik HO „Merhamet“ MDD Kenan Vrbanjac

Na „Merhametovom“ Poljoprivrednom imanju u Kućicama, nadomak Zavidovića, ove godine je proizvedeno oko 80 tona povrća, namijenjenog za „Merhametove“ narodne kuhinje, kojih je 48 sa svojim punktovima širom Bosne i Hercegovine.

– Trenutno imamo 14 plastenika i jedan staklenik koji nam je pomogao da umnogome smanjimo troškove proizvodnje povrća na našem imanju u Zavidovićima. Naime, u tom stakleniku proizvodimo rasadu za tih naših 14 plastenika u kojima proizvodimo paradajz, papriku, crvenu papriku. Prethodno je



proizveden kupus i zelena salata, potom patlidžan, crveni luk, krompir, kukuruz, mrkva i pšenica – kaže predsjednik HO „Merhamet“ MDD Kenan Vrbanjac.

Prema njegovim riječima, od jednog dijela plasteničke proizvodnje pravi se đuveč, ajvar i sos, a sve artikli za pripremu navedenih proizvoda ubiru se na imanju u Zavidovićima i oni se koriste u „Merhametovim“ narodnim kuhinjama tokom cijele godine za pripremanje obroka za oko 8.000 „Merhametovih“ korisnika u cijeloj Bosni i Hercegovini.

Na poljoprivrednom imanju u Zavidovićima „Merhamet“ posjeduje i liniju za proizvodnju tjestenine koju je nedavno obnovila turska agencija TIKa. Ove godine tom u tom pogonu će se, za potrebe narodnih kuhinja, proizvesti oko 30 tona tjestenine.

„Merhamet“ posjeduje i veliki voćnjak u Dubravama kod Visokog. Ove godine je na tom imanju bilo uroda šljive od koje će se proizvesti bestilj za korisnike narodnih kuhinja. Inače, i šljive sa imanja u Visokom „Merhamet“, uz obroke, dijeli svojim korisnicima.



Sredstva za realizaciju projekta izdvojila TIKa

IZ NOVOG POGONA TJESTENINA ZA SVE „MERHAMETOVE“ KUHINJE U BiH



Zahvaljujući turskoj agenciji TIKa, na „Merhametovom“ imanju u Zavidovićima otvoren mini pogon za proizvodnju tjestenine koja će se koristiti za pripremu obroka za oko 8.000 korisnika u 48 „Merhametovih“ javnih kuhinja i njihovih punktova širom naše zemlje

Na „Merhametovom“ imanju u Kućicama kod Zavidovića otvoren je novi mini pogon za proizvodnju tjestenine koja će se koristiti za pripremu obroka za oko 8.000 korisnika koliko ih se svakodnevno hrani

u 48 „Merhametovih“ javnih kuhinja i njihovih punktova širom naše zemlje.

Sredstva za realizaciju ovog projekta izdvojila je Turska agencija za međunarodnu saradnju i koordinaciju (TIKA)

za BiH. TIKa je i ranije pomagala projekte na imanju u Kućicama, prije svega kroz donaciju plastenika.

Svečanosti su prisustvovali ambasador Republike Turske u BiH Emin Akseki, predsjednik HO

„Merhamet“ BiH Kenan Vrbanjac, direktor TIKa-e u BiH Erdinç Işık, ministar za privredu u Vladi ZDK Samir Šibornjić, gradonačelnica Zavidovića Erna Merdić-Smailhodžić i direktor Ureda „Crvenog polumjeseca“ u BiH Suad Sokolu.

Predsjednik Kenan Vrbanjac predstavio je gostima misiju „Merhameta“, aktivnosti koje vodi širom zemlje sa osnovnim ciljem pomoći za socijalno ugrožene u oba bh. entiteta, potom se zahvalio Vladi Turske i turskom narodu što su pokazali senzibilitet te pomogli i ovaj projekat.

Vrbanjac je kazao da će u 2025. godini u pogonu u Zavidovićima biti proizvedeno oko 30 tona tjestenine.

- Čast mi je da smo danas ovdje, da vidimo još jedan projekat čiju smo realizaciju pomogli. U proteklih 30 godina pomogli smo realizaciju oko 1.200 projekata čija je ukupna vrijednost 100 miliona maraka. Kao i do sada, TIKa će i dalje biti uz narod ove zemlje - poručio je ambasador Turske u BiH Emin Akseki.

Gradonačelnica Zavidovića Erna Merdić-Smailhodžić istakla je zadovoljstvo što se poljoprivredni proizvodi koji se proizvode na imanju u Kućicama, kao i tjestenina koja se proizvodi u lokalnom pogonu, koristiti u svim kuhinjama ove humanitarne organizacije, a ministar Samir Šibornjić dodao je da je „Merhamet“ simbol brige o čovjeku te izrazio zahvalnost za sve projekte koje je TIKa realizovala na području ZDK. Zadovoljstvo zbog još jednog uspješno realizovanog projekta nisu krile ni direktorica Regionalnog odbora „Merhameta“ Maglaj Sanela Omerović i sekretar Osnovnog odbora u Zavidovićima Fatima Redžić. Tokom boravka na imanju, gosti su se upoznali sa procesom proizvodnje makarona u kojem se koriste isključivo namirnice domaćeg porijekla, ali su i obišli samo imanje u Kućicama.



Još jedna "Merhametova" uspješna godina



U 2025. GODINI PODIJELJENA POMOĆ VEĆA OD 14 MILIONA KM

U protekloj godini, samo u Bosni i Hercegovini "Merhametovi" regionalni i osnovni odbori širom naše zemlje prikupili su i podijelili razne vrste pomoći u vrijednosti većoj od 10 miliona KM

Muslimansko dobrotvorno društvo "Merhamet" je i u 2025. godini potvrdilo da je riječ o najjačoj i najorganizovanijoj humanitarnoj organizaciji u Bosni i Hercegovini, sa širokom lepezom projekata i aktivnosti usmjerenih prema pružanju pomoći i brizi o socijalno ugroženim kategorijama u našoj zemlji.

U protekloj godini, samo u Bosni i Hercegovini "Merhametovi" regionalni i osnovni odbori širom naše zemlje prikupili su i podijelili razne vrste pomoći u vrijednosti od oko 12 miliona KM. Dodaju li se tome i akcije prikupljanja pomoći za ugrožena područja u svijetu, ukupna vrijednost pomoći koju je "Merhamet" obezbijedio i podijelio u 2025. godini dosegla je iznos veći od 14 miliona KM. Između ostalog, "Merhamet" je

svojim korisnicima u 48 javnih kuhinja i njima pripadajućih punktova pripremio i podijelio oko 1.650.000 obroka, čija je ukupna vrijednost iznosila blizu 5.500.000 KM. U svoje tri pekare (Tuzla, Goražde i Srebrenica) "Merhamet" je proizveo 247.000 hljebova i peciva koje je besplatno dijelio svojim korisnicima. U 2025. Godini, "Merhamet" je socijalno ugroženim porodicama na cijeloj

teritoriji Bosne i Hercegovine podijelio više od 22.000 prehrambenih paketa, u ukupnoj vrijednosti od 1.175.000 KM. Aktivnosti "Merhametovih" regionalnih odbora ukratko izgleda ovako:

Tuzla
Regionalni odbor "Merhameta" Tuzla je u 2025. godini, kroz

brojne aktivnosti, socijalno ugroženim porodicama obezbijedio pomoć, u ukupnoj vrijednosti od čak 2.915.000 KM. U svojoj Narodnoj kuhinji "Imaret" tuzlanski "Merhameta" je za svojih oko 2.800 korisnika pripremio 787.200 obroka, vrijednih 2.362.000 KM. Tokom ramazana, u toj je kuhinji proizvedeno i 9.430 if-tara, u vrijednosti od 141.450

KM. U "Merhametovoj" pekari u Tuzli proizvedeno je 196.799 komada hljeba, čija je ukupna vrijednost iznosila 393.598 KM, a u pekari u Srebrenici, koja je otvorena polovinom septembra 2025. godine, proizvedeno je i podijeljeno 7.478 komada hljeba, potom 7.705 komada peciva: kifli, buhtli hrenovki. Ukupna vrijednost proizvedenog i podijeljenog hljeba/peciva u pekari



u Srebrenici iznosila je 15.950 KM. Regionalni odbor „Merhameta“ Tuzla je u 2025. godini, između ostalog, podijelio i 2.500 humanitarnih paketa u vrijednosti od 125.000 KM, kao i 561 dječiji paket, čija je vrijednost iznosila 6.145 KM.

Sarajevo

Regionalni odbor „Merhameta“ Sarajevo je u 2025. godini podijelio pomoć u kupnoj vrijednosti od blizu 1.310.000 KM. U „Merhametovoj“ Narodnoj kuhinji „Imaret“, pripremljeno je i podijeljeno 257.520 obroka, čija je ukupna vrijednost iznosila 806.000 KM. U pomenuti iznos uračunata je i podjela voća korisnicima (banana, jabuka, narandži), u ukupnoj vrijednosti od oko 90.000 KM. U okviru projekta „Misli i čini dobro“, Regionalni odbor „Merhameta“ Sarajevo podijelio je lani ukupno 5.420 prehrambenih paketa, u vrijednosti od oko 250.000 KM.

Maglaj

Regionalni odbor „Merhameta“ Maglaj je u 2025. godini imao je intenzivne aktivnosti te je u tom periodu socijalno ugroženom stanovništvu podijelio pomoć vrijednu više od 1.250.000 KM. U kuhinjama ovog regionalnog odbora u Maglaju i Zavidovića lani je pripremljeno i podijeljeno 72.720 obroka, u vrijednosti od 291.000 KM. Tokom cijele godine podijeljeno je i 3.125 prehrambeno-higijenskih paketa, u vrijednosti od 250.000 KM i to na području: Zavidovića, Maglaja, Tešnja, Doboja, Doboj Juga, Teslića i Odžaka, a sve zahvaljujući „Merhametovim“ partnerskim organizacijama „Helping Hand“, TIKA, „Izvor dobroćinstva“, „Trajno dobro“, „Qatar Charity“ (katarska humanitarna organizacija). Svojim korisnicima maglajski

„Merhamet“ je podijelio kurban-sko meso na cijeloj regiji Maglaja, Doboj Juga, Bosanskog Šamca, Zavidovića i Odžaka i Šamca. Za 1.642 korisnika podijeljeno je kurban-sko meso, u vrijednosti 848.000 KM.

Mostar

Regionalni odbor „Merhameta“ Mostar tokom 2025. godine obezbijedio je i na području Hercegovine podijelio raznovrsnu pomoć, u ukupnoj vrijednosti od 345.000 KM. Između ostalog, „Merhamet“ je u 2025. godini u Narodnoj kuhinji u Jablanici pripremio i podijelio 32.000 kuhanih i suhih obroka, čija je ukupna vrijednost iznosila oko 137.000 KM. Istovremeno je na području Hercegovine podijeljeno više od 4.240 prehrambeno-higijenskih paketa, vrijednih blizu 150.000 KM.

Bihać

Regionalni odbor „Merhameta“ Bihać je u 2025. godini socijalno ugroženim porodicama obezbijedio pomoć vrijednu oko 888.000 KM. Godina 2025. biće upamćena po tome što je „Merhamet“ u Bihaću konačno došao do vlastitog objekta, te je za kupovinu kuće u centru grada uložio 250.000 KM. U svojoj kuhinji „Imaret“ za korisnike na području Bihaća i Cazina, Regionalni odbor „Merhameta“ Bihać je pripremio i podijelio 56.323 obroka, vrijednih 395.000 KM. U 2025. godini podijeljeno je 520 paketa, u vrijednosti od 36.400 KM.

Banja Luka

Regionalni odbor „Merhameta“ Banja Luka je u proteklom dvanaestomjesečju, podijelio je raznu vrstu pomoći povratničkim porodicama na području manjeg bh. entiteta, čija je ukupna vrijednost iznosila 731.000 KM.





U svojim kuhinjama u Tesliću, Bosanskoj Dubici, Banja Luci i Bosanskoj Gradišci, Regionalni odbor "Merhameta" Banja Luka pripremio je i svojim korisnicima podijelio je 65.000 obroka, čija je ukupna vrijednost iznosila 325.000 KM.

Samo u mjesecu ramazanu, podijeljeno je 2.400 paketa licima u stanju potrebe. Njihova vrijednost iznosila je 240.000 KM, kao i 600 dječijih paketića, vrijednih 6.000 hiljada KM.

Goražde

Regionalni odbor "Merhameta" Goražde u 2025. godini je socijalno ugroženim porodicama podijelio pomoć vrijednu 220.000 KM. U Narodnoj kuhinji "Merhameta" Goražde je korisnicima pripremljeno i podijeljeno 17.570 obroka, u vrijednosti

od 105.000 KM. U "Merhametovoj" pekari u tom gradu pripremljeno je i podijeljeno 30.400 hljebova, u vrijednost od 45.550 KM.

Goraždanski "Merhamet" je socijalno ugroženim porodicama podijelio i 450 prehrambenih paketa, vrijednih 29.000 KM.

Travnik

Regionalni odbor "Merhameta" Travnik je i u 2025. godini imao brojne i raznovrsne aktivnosti. Ukupna vrijednost svih vrsta pomoći koje je travnički "Merhamet" podijelio tokom dvanaest mjeseci iznosila je oko 635.000 KM.

Za svojih 605 korisnika, u svojim javnim kuhinjama u Travniku, Novom Travniku, Donjem Vakufu i Jajcu, pripremio je i podijelio više od 160.000 obroka,

ukupne vrijednosti od 481.000 KM.

U 2025. godini, travnički "Merhamet" je podijelio i 300 prehrambeno higijenskih paketa, vrijednih 21.500 KM.

Zenica

Sveukupna vrijednost pomoći koju je Regionalni odbor "Merhameta" Zenica podijelio tokom 2025. godine iznosila je oko 745.000 KM. U svoje tri kuhinje, u Brezi, Kaknju i Zenici, zenički "Merhamet" Zenica je pripremio je i podijelio 190.500 obroka, u vrijednosti od 512.000 KM. Tokom ramazana pripremljeno je i podijeljeno 3.675 iftara, u vrijednosti od 35.500 KM, a ukupna vrijednost uručene pomoći tokom mjeseca Ramazana iznosila je oko 68.000 KM.

Regionalni odbor "Merhameta" Tuzla

PODIJELJENA POMOĆ VRIJEDNA 2.916.000 KM



U svojoj Narodnoj kuhinji "Imaret", najvećoj u Bosni i Hercegovini, Regionalni odbor "Merhameta" Tuzla za svojih oko 2.800 korisnika pripremio je 787.200 obroka, vrijednih 2.362.000 KM. Tokom ramazana, u toj je kuhinji proizvedeno i 9.430 iftara, u vrijednosti od 141.450 KM

Regionalni odbor "Merhameta" Tuzla je i u 2025. godini imao brojne aktivnosti. Ukupna vrijednost koju je tuzlanski "Merhamet" podijelio u tom dvanaestomjesečju iznosila je čak 2.915.000 KM.

U svojoj Narodnoj kuhinji "Imaret", najvećoj u Bosni i Hercegovini, Regionalni odbor

"Merhameta" Tuzla za svojih oko 2.800 korisnika pripremio je 787.200 obroka, vrijednih 2.362.000 KM. Tokom ramazana, u toj je kuhinji proizvedeno i 9.430 iftara, u vrijednosti od 141.450 KM.

U "Merhametovoj" pekari u Tuzli proizvedeno je 196.799 komada hljeba, čija je ukupna vri-

jednost iznosila 393.598 KM. Regionalni odbor "Merhameta" Tuzla je u 2025. godini, između ostalog, podijelio i 2.500 humanitarnih paketa u vrijednosti od 125.000 KM, kao i 561 dječiji paket, čija je vrijednost iznosila 6.145 KM.

U "Merhametovoj" pekari u Srebrenici koja je otvorena polovi-

nom septembra, a kojom rukovodi Tuzlanski "Merhamet", proizvedeno je i podijeljeno 7.478 komada hljeba, u vrijednosti od 11.220 KM, potom 7.705 komada peciva: kifli, buhtli hrenivki, u iznosu od 4.710 KM. Ukupna vrijednost proizvedenog i podijeljenog hljeba/peciva u pekari u Sre-




PLAKETA "MERHAMETU" ZA PODRŠKU DEMOBILISANIM BORCIMA ARMIJE RBiH

U Kladnju je obilježena 32. godišnjica od formiranja 1. muslimanske podrinjske brigade koja je djelovala u sastavu Drugog korpusa Armije RBiH. Tom prilikom okupili su se preživjeli borci, članovi porodica šehida, predstavnici boračkih organizacija i institucija koji su evocirali sjećanje na ratni put ove jedinice i odali počast poginulim pripadnicima.

Regionalni odbor "Merhameta" Tuzla je na različite načine pomagao demobilisanim borcima njihovim porodicama, a oni su u znak zahvalnosti uručili plaketu direktorici tuzlanskog "Merhameta" Mensuri Husanović. Plaketu je uručio Šemsudin Hodžić, predsjednik ODB-a Vlasenica.

- Uz svakodnevnu brigu o socijalno najugroženijim među nama kroz djelovanje Narodne kuhinje "Imaret" i na druge načine, nastojimo pomoći i ostalim kategorijama stanovništva u koje svakako spadaju demobilisani borci i to ćemo činiti u budućnosti - kazala je Mensura Husanović, direktorica RO "Merhameta" Tuzla.



brenici iznosila je 15.950 KM. Regionalni odbor "Merhameta" Tuzla podijelio je 95 bajramskih paketića učenicima Edukativnog centra u Novoj Kasabi. Paketiće je osigurao "Merhamet" Njemačke, a dobili su ih svi polaznici Centra, djeca osnovnoškolskog uzrasta iz ovog i okolnih podrinskih povratničkih naselja.

- Zahvaljujemo se gospođi Edini Kadirić koja vodi "Merhamet" Njemačke i svim donatorima koji su pomogli da obrađujemo najmlađe povratnike u ovom dijelu Podrinja koji pohađaju nastavu na bosanskom jeziku - kazala je direktorica Regionalnog odbora "Merhameta" Tuzla Mensura Husanović.

"Merhamet" Njemačke donirao je, između ostalog, i kiflaricu i više od osam tona brašna za pekaru u Srebrenici, a zahvaljujući donaciji ove "Merhametove" organizacije jedinice nabavljena je i savremena rezalica za hljeb za Narodnu pekaru "Imaret" u Tuzli. Mašina može veoma brzo i kvalitetno praviti kriške hljeba debljine 16 milimetara i značajno će olakšati rad osoblja i poboljšati usluge. Vrijednost donacije je oko 2.500 eura.

- "Merhamet" Njemačke redovno pomaže aktivnosti pružanja pomoći socijalno ugroženom stanovništvu u domovini, od osiguranja hrane i ogrjeva, stipendiranja i nagrađivanja učenika i studenata, posebno u manjem bh. entitetu, do nabavke mehanizacije, opreme i mašina potrebnih za rad.

- U ime naših korisnika, zahvaljujem se gospođi Kadirić, njenim saradnicima, članstvu i donatorima na ovoj i drugoj pomoći koju nam pružaju. Vjerujemo da će se saradnja nastaviti i u budućnosti - kaže Mensura Husanović.

Onače, Regionalni odbor "Merhameta" Tuzla upravlja najvećom javnom kuhinjom u BiH. Obroci se distribuiraju na području 5 općina i gradova Tuzlanskog kantona (Tuzla,



Kalesija, Gračanica, Srebrenik i Lukavac), gdje se dijele na ukupno 21 punktu. Za skoro 300 teško bolesnih i nepokretnih osoba hrana se dostavlja na kućni prag. Trenutno se putem Narodne kuhinje u toku jednog dana priprema i distribuira preko 2.800 obroka. U okviru kuhinje djeluje i pekaru u kojoj se priprema hljeb za sve korisnike.

Značajna je redovna godišnja akcija "Učenici pomažu Narodnu kuhinju IMARET" koju provodi Regionalni odbor "Merhameta" Njemačke, u okviru koje učenici osnovnih i srednjih škola Tuzlanskog kantona svake godine prikupe veliku količinu namirnica za Narodnu kuhinju "Imaret".

- Izuzetno smo zadovoljni odzivom učenika i učešćem škola u ovogodišnjoj akciji.

Skoro sve osnovne i srednje škole s područja Tuzlanskog kantona su se odazvale na naš poziv i animirale svoje učenike da donesu prehrambene artikle za pripremu obroka za najugroženije među nama. Na ovaj način se pomaže rad kuhinje i uporedo kod mladih razvija osjećaj humanosti i solidarnosti sa onima u stanju potrebe. Zahvaljujemo se rukovodstvima, uposlenicima i učenicima svih škola koje su nas pomogle - kaže Husanović.

I najmlađi polaznici obrazovne ustanove "School & School" iz Gračanice prikupili su značajnu količinu osnovnih namirnica za potrebe Narodne kuhinje "Imaret" koje su sami uručili u Osnovnom odboru "Merhameta" Gračanica. Mališani su ovom prilikom počašćeni slatkishima i osvježenjem.

Investicija vrijedna oko 220.000 KM

NAKON TUZLE I GORAŽDA, PEKARA I U SREBRENICI



Predsjednik „Merhameta“ Kenan Vrbanjac kazao je da će i ova pekara, poput onih u Tuzli i Goraždu, biti socijalnog karaktera i da će proizvoditi hljeb za osobe u stanju socijalne potrebe. Pekara u Srebrenici data je na upravljanje Regionalnom odboru „Merhameta“ Tuzla

Muslimansko dobrotvorno društvo „Merhamet“ je 16. septembra otvorilo svoju pekaru u Srebrenici. To je treća „Merhametova“ pekara u Bosni i Hercegovini, jer je ranije ova humanitarna organizacija otvorila pekare u Tuzli i Goraždu.

Predsjednik „Merhameta“ Kenan Vrbanjac kazao je da će i ova pekara, poput onih u Tuzli i Goraždu, biti socijalnog karaktera i da će proizvoditi hljeb za osobe u stanju socijalne potrebe.

- Sretni smo što smo realizirali „Merhametov“ plan da otvorimo

pekaru u Srebrenici kako bismo pomogli socijalno ugrožene porodice na ovom području. To smo uspjeli u saradnji s našom dugogodišnjom partnerskom humanitarnom organizacijom IHH iz Turske koja je donirala modernu opremu za pekaru - kazao je Vrbanjac.

Prema njegovim riječima, ukupna investicija u Srebrenici vrijedna je oko 220.000 KM, koliko su koštali moderna oprema za pekaru koju je donirao IHH i renoviranje zgrade u kojoj je pekara smještena.

Otvaranje humanitarne pekare





Osman Atalay: „Merhamet“ je ozbiljna i respektabilna humanitarna organizacija

Otvaranju „Merhametove“ pekare u Srebrenici prisustvovala je i delegacija iz Turske. Predvodio je član Upravnog odbora turske IHH-a Osman Atalay koji je izrazio zadovoljstvo što je realiziran projekt još jedan zajednički projekt IHH i „Merhameta“.

- Po ko zna koji put, uvjerali smo se da je „Merhamet“ ozbiljna i respektabilna humanitarna organizacija, naš partner s kojim planiramo realizirati još značajnih projekata u Bosni i Hercegovini i na kriznim područjima širom svijeta, gdje godinama zajedno radimo i veoma dobro sarađujemo – kazao je Atalay.




u Srebrenici je već u prvom mjesecu realizacije ovog projekta pokazala potpunu opravdanost. U pekari, jedinoj u ovom gradu, svakodnevno se priprema hljeb i besplatno dijeli socijalno ugroženom stanovništvu Srebrenice i okolnih naselja. O polovine septembra, od kada je ova pekara otvorena, do kraja 2025. godine, proizvedeno je i podijeljeno 7.478 komada hljeba, u vrijednosti od 11.220 KM, potom 7.705 komada peciva: kifli, buhtli hrenivki, u iznosu od 4.710 KM. Ukupna vrijednost proizvedenog i podijeljenog

hljeba/peciva u pekari u Srebrenici iznosila je 15.950 KM. „Merhametova“ pekara u Srebrenici data je na upravljanje Regionalnom odboru „Merhameta“ Tuzla koji, preko svog osnovnog odbora u tom gradu, djeluje na području Srebrenice. Regionalni odbor „Merhameta“ Tuzla, uz podršku donatora, nabavio je i instalirao savremenu mašinu kiflaricu.

- Zahvaljujući donaciji „Merhameta“ Njemačke, nabavili smo i u okviru pekare instalirali i mašinu kiflaricu koja se koristi za pripremu i izradu različitih oblika tijesta i formiranje manjih vekni, što će značajno olakšati rad osoblja i poboljšati usluge. „Merhamet“ Njemačke je donirao i 8.300 kilograma brašna čime je osiguran glavni artikal za pripremu pekarskih proizvoda za naredni period - kaže Mensura Husanović, direktorica Regionalnog odbora „Merhameta“ Tuzla i dodaje:

- Zbog same simbolike Srebrenice i svega što se čini da se oživi taj kraj i pomogne lokalno stanovništvo, neizmerno smo sretni i zadovoljni realizacijom ovog projekta i zahvalni svim donatorima.

Inače, HO „Merhamet“ MDD u svom djelovanju posebnu podršku pruža povratnicima u manji bh. entitet.



“Merhamet” i ove godine pružio logističku podršku

UČESNICIMA “MARŠA MIRA” TOPLI OBROCI, NAPITCI I SLATKIŠI



Topli obroci obezbjeđeni su i za članove službi i organizacija koji su pratili ovogodišnji "Marš mira", kao što su Federalna uprava civilne zaštite, Crveni križ Tuzlanskog kantona, GSS

Muslimansko dobrotvorno društvo “Merhamet” i ove godine je pružilo logističku podršku u organizovanju “Marša mira”. Uposlenici Regionalnog odbora “Merhameta” Tuzla učesnicima “Marša mira” pripremali si i dijelili kvalitetne tople obroke, slatkiše i

osvježavajuće napitke. Svake večeri, na završetku neke od etapa, na više punktova na prenočištima organizirana je podjela gotovih kuhanih obroka za učesnike “Marša” mira i prateće osoblje (Crveni križ TK, Gorska služba spašavanja, FUCZ). Ukupno je pripremljeno i podijeljeno 3.900 obroka, čija vrijednost iznosi 13.500 KM.

“Merhamet” je učesnicima “Marša mira” obezbijedio i osvježanje i slatkiše. Tako je, uz obroke, podijeljeno 1.000 flašica od 0,5 litara vode, 1.500 flašica soka od 0,5 litara i 6.600 komada rolata.

Osim Regionalnog odbora “Merhameta” Tuzla, ove aktivnosti realizirane su uz podršku “Merhametovih” regionalnih odbora Bihać, Mostar i Zenica, kao i “Merhameta” Švedske.

Pomoć u pomenutim aktivnostima, osim “Belamionixa”, pružile su i firme “Ekstra Papir” Kiseljak i “Janja Plod” Živinice.



Regionalni odbor „Merhameta“ Bihać

KONAČNO U SVOM OBJEKTU



Godina 2025. biće upamćena po tome što je „Merhamet“ u Bihaću konačno došao do vlastitog objekta, te je za kupovinu kuće u centru grada uložio 250.000 KM. Inače, u 2025. godini RO Bihać je podijelio pomoć socijalno ugroženim porodicama, u ukupnoj vrijednosti od oko 888.000 KM

Regionalni odbor „Merhameta“ Bihać je u 2025. godini podijelio pomoć socijalno ugroženim porodicama, u ukupnoj vrijednosti od oko 888.000 KM. Godina 2025. biće upamćena po tome što je „Merhamet“ u Bihaću konačno došao do vlastitog objekta, te je za kupovinu kuće u centru grada uložio 250.000 KM. Regionalni odbor „Merhameta“ Bihać imao je lani brojne aktivnosti na području Unako-sanskog kantona. Između ostalog, u svojoj

kuhinji „Imaret“ za korisnike na području Bihaća i Cazina, Regionalni odbor „Merhameta“ Bihać je pripremio i podijelio 56.323 obroka, vrijednih 395.000 KM. U 2025. godini podijeljeno je 520 paketa, u vrijednosti od 36.400 KM. Svojim korisnicima Regionalni odbor „Merhameta“ Bihać je lani podijelio kurbansko mesa u vrijednosti od 42.000 KM, vaučere za jetime u iznosu od 4.000 KM, dok je za aktivnosti u mjesecu ramazanu podijeljena pomoć vrijedna

91.000 KM. Naime, tokom ramazana, „Merhamet“ je realizovao niz humanitarnih aktivnosti s ciljem pomoći socijalno ugroženom stanovništvu. Na području Unsko-sanskog kantona izvršena je podjela 5.460 iftara, potom hurmi, a zahvaljujući „Merhametima“ Njemačke, Švedske i Norveške, podijeljeno je 250 prehrambenih paketa za korisnike javnih kuhinja i osobama u stanju socijalne potrebe. Pored toga, organizovana je i podjela iftara po

mjesnim zajednicama i opštinama, čime je obuhvaćen veći broj korisnika na terenu.

- Rad „Merhametove“ kuhinje „Imaret“ pomažu brojni donatori i prijatelji „Merhameta“. Sa prijateljskom humanitarnom organizacijom IPSIA BiH potpisali smo sporazum o podršci radu naše javne kuhinje, u iznosu od 14.400 KM. Inače, IPSIA svaki mjesec donira namirnice koje pomažu u pripremi kvalitetnog obroka za naše korisnike – kaže direktor Regionalnog odbora „Merhameta“ Bihać Alen Prošić. Polaznici mekteba Džemat Medresa Cazin, uz podršku svojih porodica, svake godine u de-



OBEZBIJEĐENA DRVA ZA 25 SIROMAŠNIH PORODICA

Regionalni odbor „Merhamet“ Bihać realizirao je humanitarnu akciju „Ogrjev 2025“, kaže direktor rog odbora Alen Prošić.

- Zahvaljujući donatorima i Sjedištu „Merhameta“ u Sarajevu, obezbijedili smo ogrijevno drvo za 25 porodica s područja grada Bihaća. Svaka porodica dobila je po dva metra drveta. Prioritet su nam bile porodice koje koriste usluge javne kuhinje „Imaret“ Bihać – istakao je Prošić.





cembru prikupljaju sitni novac kako bi početkom januara kupili voće za korisnike „Merhametove“ kuhinje u Cazinu.

Kompanija „Union Foods“ d.o.o. PJ Bihać donirala je mliječne proizvode za kuhinju, firma BOREAS 1.000 litara sokova, dok je Pizzerija „City“ donirala 15 iftara za „Merhametove“ korisnike, dok je Udruženje „Kraljevi i Kraljice“ obezbijedilo 500 različitih pita. Udruženje „Pozitiva“ iz Cazina doniralo je za potrebe „Merhametove“ Narodne kuhinje „Imaret“ Bihać i Cazin 600 kg krompira koji su sami posijali i uzgajali.

Katolički školski centar „Ivan Pavao II“ Bihać, povodom Dana kruha, donirao je

„Merhametu“ kruh i kolače za korisnike javne kuhinje.

Članovi Vijeća učenika Medrese organizirali su humanitarnu akciju prikupljanja osnovnih životnih namirnica. Osnovna škola „Gata-Ilidža-Vrsta“ pomogla je rad „Merhametove“ kuhinje kroz donaciju prehrambenih namirnica. Crveni križ - Gradska organizacija Cazin donirala je 375 kartona nudli. Organizacija „Most Bro“ iz Danske omogućila je pripremu iftara novčanim sredstvima za nabavku prehrambenih namirnica.

- Predsjednika HO „Merhamet“ MDD Kenan Vrbnjac uručio nam je vrijednu donaciju - industrijsku konvekciju peč, vrijednu oko 5.000 KM, koja će značajno unaprijediti rad naše kuhinje i omogućiti kvalitetniju pripremu obroka za naše korisnike. Nakon uručjenja donacije, zajednički smo iftarili sa članovima Udruženja „Kraljevi i Kraljice“ iz Bihaća, koji su pripremili iftar za korisnike „Merhametove“ kuhinje - kazao je Alen Prošić.

Dodao je da je Sjedište „Merhameta“ u Sarajevu poslalo je Regionalnom odboru „Merhameta“ Bihać 10 tona različitih vrsta robe. Ta pomoć distribuirana je krajnim korisnicima u USK.

- Podrška društveno odgovornih

kompanija omogućava nam da nastavimo s našim humanitarnim radom i pomažemo socijalno ugroženim porodicama - kaže Prošić.

Tokom ramazana bili su aktivni i osnovni odbori koji djeluju u okviru Regionalnog odbora „Merhameta“ Bihać. Tako je sekretar Osnovnog odbora „Merhameta“ Velika Kladuša Omer Čehić izvršio podjelu prehrambenih paketa koje je donirala humanitarna organizacija „Helping Hand“.

Tim, Regionalnog odbora Merhamet Bihać, izvršio je dostavu pomoći za područje općine Bosanska Krupa. Ova pomoć, koja je pristigla u sjedište Merhameta, distribuirana je krajnim korisnicima.

- Predstavnici Regionalnog odbora „Merhameta“ Bihać organizirali su podjelu 150 prehrambenih paketa za osobe koje se nalaze u stanju socijalne potrebe i to u Bihaću, Ključu i Cazinu. Akciju je podržalo i Udruženje građana „Lan“ Bihać. Paketi su pripremljeni kroz redovite planove i programe pomoći osobama kojima je to potrebno te uz pomoć građana i njihovih donacija - naglasio je Prošić.

Regionalni odbor „Merhameta“ Bihać ugostio je studentice s Islamskog pedagoškog fakulteta u Bihaću (Odsjek za socijalnu pedagogiju) Adnu Nanić i Sumeju Alešević. Posjetaje realizovana u sklopu obaveza iz predmeta „Menadžment u socio-pedagoškom radu i neprofitnim organizacijama“.

- „Merhamet“ Bihać nastavlja aktivno podržavati edukaciju mladih kadrova i saradnju s lokalnom akademskom zajednicom - poručio je Alen Prošić. Dodao je na kraju da je Regionalni odbor „Merhameta“ Bihać za dvadeset jetima obezbijedio vaučera u vrijednosti od po 200 KM.

Predstavnici JU Socijalno-pedagoške životne zajednice Bihać, uručili su zahvalnicu „Merhametu“, povodom dugogodišnje saradnje.



Vrbanjac i Prošić sa gradonačelnikom Sedićem:

NAJAVLJENO OTVARANJE “MERHAMETOVE” PEKARE ZA SOCIJALNO UGROŽENE U BIHAĆU



Kenan Vrbanjac je istakao da je “Merhamet” nedavno postao vlasnik objekta u Bihaću, kupljenog vlastitim sredstvima, koji će u narednom periodu biti renoviran i prilagođen potrebama korisnika

Gradsku upravu Bihaća posjetili su početkom novembra predsjednik HO “Merhamet” MDD Kenan Vrbanjac i direktor Regionalnog odbora “Merhameta” Bihać Alen Prošić, koji su gradonačelnika Elvedina Sedića upoznali s aktuelnim aktivnostima i planovima za daljnje jačanje djelovanja ove humanitarne orga-

nizacije na području grada.

Vrbanjac je istakao da je “Merhamet” postao vlasnik objekta u Bihaću, kupljenog vlastitim sredstvima, koji će u biti renoviran i prilagođen potrebama korisnika.

- Želimo da ovaj prostor postane mnogo više od narodne kuhinje. Planiramo urediti kom-

pletan kompleks s magacinom i dnevnim boravkom za stare i iznemogle - kazao je Vrbanjac.

“Merhamet” u Bihaću planira i otvaranje pekare u kojoj će se pripremati besplatni hljeb za socijalno ugrožene građane. Kako je istaknuto, ova inicijativa je od velikog značaja jer se upravo iz Bihaća distribuira hrana za ko-

risnike širom USK.

- Drago mi je što “Merhamet” nastavlja jačati svoje kapacitete, jer im to omogućava da tokom cijele godine pruže podršku onima kojima je ona najpotrebnija. “Merhamet” je jedna od pet organizacija koje podržavamo i kroz budžet Grada, što jasno pokazuje našu opredijeljenost da zajednički brinemo o najugroženijim sugrađanima - naglasio je gradonačelnik Elvedin Sedić.



PODRŠKA VLADE USK I PREMIJERA MUSTAFE RUŽNIĆA “MERHAMETU”

Premijer Unsko-sanskog kantona Mustafa Ružnić primio je predsjednika HO “Merhamet” MDD Kenana Vrbanjca i direktora Regionalnog odbora “Merhameta” Bihać Alena Prošića. Razgovarano je o aktivnostima “Merhameta” na pružanju pomoći ljudima u potrebi.

Premijer Ružnić obećao je da će Vlada Unsko-sanskog kantona nastaviti s pomaganjem rada Regionalnog odbora “Merhameta” Bihać.

Regionalni odbor „Merhameta“ Sarajevo

ZA SOCIJALNO UGROŽENE POMOĆ OD 1.310.000 KM



U „Merhametovoj“ Narodnoj kuhinji „Imaret“, u proteklih dvanaest mjeseci, pripremljeno je i podijeljeno 257.520 obroka, čija je ukupna vrijednost iznosila 806.000 KM. Od toga je podijeljeno 177.925 toplih i 79.595 suhih obroka i to za dane vikenda

Regionalni odbor „Merhameta“ Sarajevo je u 2025. godini podijelio pomoć socijalno ugroženim porodicama, u kupnoj vrijednosti od blizu 1.310.000 KM. U „Merhametovoj“ Narodnoj kuhinji „Imaret“, u proteklih dvanaest mjeseci, pripremljeno je i podijeljeno 257.520 obroka, čija je ukupna vrijednost iznosila 806.000 KM. Od toga je podijeljeno 177.925 toplih i 79.595 suhih obroka i to za dane vikenda. U pomenuti iznos uračunata je i podjela voća korisnicima (banana, jabuka, narandži), u ukupnoj vrijednosti od oko 90.000 KM.

Projekat Regionalnog odbora Sarajevo „Javna kuhinja“ najvećim dijelom je sufinansirana od strane Kantona Sarajevo, Ministarstva za rad i socijalnu politiku KS, a prosječan broj korisnika u 2025. godini iznosio je 705. Pored redovnih obroka, zahvaljujući donatorima, korisnicima Javne kuhinje djelili su se prehrambeni paketi, sokovi, meso, povrće, suhomesnati proizvodi, u vrijednosti od 56.500 KM.

U okviru projekta „Misli i čini dobro“, Regionalni odbor „Mer-

hameta“ Sarajevo podjelio je lani ukupno 5.420 prehrambenih paketa, u vrijednosti od oko 250.000 KM. Ti paketi su bili namijenjeni za socijalno ugrožene građane koji nisu ostvarili pravo na Javnu kuhinju. U okviru projekta „Kućna njega starih, iznemoglih i bolesnih osoba“, koji broji 165 korisnika s područja Kantona, „Merhametovi“ timovi svakodnevno su obilazili starije i iznemogle osobe. Njima je podijeljeno 660 prehrambenih paketa, 660 higijenskih paketa i 660 paketića sa osnovnim medikamentima i vitaminima.

Korisnicima su svakodnevno pružane socijalno-medicinske usluge: mjerenje pritiska, mjerenje šećera u krvi, razgovor o ishrani i njihovom općem zdravlju. Osim toga, „Merhametovi“ volonteri su obavljali razne poslove za njih, kao što je pospremanje prostora u kojem žive, odlazak u kupovinu, odlazak kod doktora, obavljanje administrativnih poslova za korisnike, izvođenje u šetnju i druge stvari. Na projektu su zaposlene tri medicinske sestre, dvije volonterke i koordinator projekta. Projekat se sprovodi uspješno zahvaljujući podršci „Merhame-





KREATIVNA RADIONICA "JEDEM ZDRAVO RASTEM PRAVO"

Osnovni odbor "Merhameta" Trnovo, Osnovna škola "Zaim Kolar", Crveni križ Općine Trnovo i HO "Merhamet" MDD-OO Trnovo, uz podršku sponzora Balkan American Wellness Alliance i kompanije „HOŠE-KOMERC“ Sarajevo, organizovali su radionicu za učenike "Jedem zdravo rastem pravo".

Primarni cilj radionice bio je promocija zdrave ishrane i edukacija učenika kroz interaktivne i kreativne aktivnosti. Kroz crtanje, izradu plastelinskih modela, rad na plakatima te degustaciju voća, učenici su na kreativan način istraživali preehrambene navike. Atmosfera je bila izuzetno pozitivna i motivirajuća, a djeca su s oduševljenjem sudjelovala, razmjenjujući ideje i nova znanja.

Svi sudionici su za svoj trud nagrađeni Zahvalnicama Crvenog križa općine Trnovo i "Merhameta", te malim paketićima voća i zdravim slatkišima. Najbolji radovi su nagrađeni diplomama škole u kategorijama najkreativnijeg crteža, najoriginalnijeg plastelinskog modela i najboljeg plakata.

tovih" partnera. To su: Ministarstvo za rad socijalnu politiku i raseljena lica Kantona Sarajevo, Općina Novi Grad Sarajevo te organizaciji HCI iz Kanade.

Pored redovne podjele korisnicima na projektu „Kućna njega“, mjesečno se nabavlja i potrošni materijal za medicinsko osoblje, kao što su iglice i trakice za mjerenje šećera, jednokratne rukavice, jednokratne natikače, vlažne maramice i slično.

Ukupna vrijednost projekta u 2025. godini bila je 160.000 KM. Tokom ramazana, pripremljeno je i podjeljeno 4.190 iftara, u vrijednosti od 41.900 KM. Za „Merhametove“ korisnike obezbijedeno je 36 metara drva, u vrijednosti od 5.795 KM.

Za 780 učenika slabijeg imovinskog stanja obezbijedeni su prehrambeno-higijenski paketi, vrijedni 46.800 KM. „Merhamet“ je pomogao i razna udruženja sa prehrambenim artiklima, u vrijednosti od 3.100 KM.

U saradnji sa udruženjem za promociju i unaprijeđenje zdravlja „Generacija“, obilježen je Međunarodni dan starih gdje je „Merhamet“ dao svoj doprinos mjerenjem šećera u krvi građanima Sarajevo. Pripremili je bajramski ručak za 250 pripadnika turskog kontingenta EUFOR-a u bazi u Butmiru.

Regionalni odbor "Merhameta" Sarajevo nastavio je i u 2025. godini akciju "Pomoć osnovnim školama sa područja Kantona Sarajevo". Dostavljeno je 240 prehrambeno-higijenskih paketa za 12 osnovnih škola s područja općine Centar, u ukupnoj vrijednosti od 14.400 KM.

Institut za razvoj mladih KULT svake godine obilježava Međunarodni dan volontera, a tom prilikom već tradicionalno pružaju podršku radu "Merhametove" Narodne kuhinje "Imaret". I ove godine volonteri Instituta KULT svojim nesebičnim angažmanom pomogli su u podjeli toplih obroka "Merhametovim" korisnicima čime su iskazali svoju solidarnost, humanost i društvenu odgovornost.



Regionalni odbor „Merhameta” Mostar

U HERCEGOVINI U 2025. GODINI PODIJELJENO 4.240 PAKETA



Podijeljena je raznovrsna pomoć, u ukupnoj vrijednosti od 345.000 KM. U Narodnoj kuhinji u Jablanici pripremljeno 32.000 kuhanih i suhih obroka, čija je vrijednost iznosila oko 137.000 KM. Istovremeno je na području Hercegovine podijeljeno više od 4.240 paketa, vrijednih blizu 150.000 KM

Regionalni odbor „Merhameta” Mostar tokom 2025. godine obezbijedio je i na području Hercegovine podijelio raznovrsnu pomoć, u ukupnoj vrijednosti od 345.000 KM. Te aktivnosti mostarski „Mer-

hamet” je realizirao zajedno sa svojim osnovnim odborima u Mostaru, Konjicu, Jablanici, Tomislavgradu, Prozoru i Čapljini. Između ostalog, „Merhamet” u svojoj Narodnoj kuhinji u


Jablanici svakodnevno priprema 100 obroka za svoje korisnike, dok na području cijele Hercegovine pruža pomoć za oko 700 porodica u stanju potrebe. Tako je u 2025. godini u Narod-

noj kuhinji u Jablanici pripremljeno i podijeljeno 32.000 kuhanih i suhih obroka, čija je ukupna vrijednost iznosila oko 137.000 KM. Istovremeno je na području Hercegovine podijeljeno više od



ZAVRŠENI IDEJNI I GLAVNI PROJEKTI LOGISTIČKOG CENTRA U HERCEGOVINI

U skladu s Planom rada za 2025. godinu, Regionalni odbor „Merhameta” Mostar, uz saglasnost Upravnog odbora HO „Merhamet” MDD, uspješno je proveo aktivnosti pribavljanja urbanističke saglasnosti i izrade glavnog projekta budućeg logističkog centra „Merhameta” u Hercegovini. Idejni i glavni projekat su besplatno izradili građevinski inženjeri Almir Dedović i Muamer Marić iz Mostara.





EMIR POBRIĆ IZ MOSTARA „VOLONTER GODINE“ U 2025.

- Posebnu zahvalnost dugujemo mreži naših volontera koji nesebično podržavaju naš rad i terenske aktivnosti. Od-lukom direktora Regionalnog odbora Mostar, za „volontera godine“ za 2025. godinu proglašen je Emir Pobrić iz Mostara.

Građani nas često kontaktiraju i posjećuju, te svojim prilozi-ma žele podržati naš rad. Također, putem društvenih mreža prate naše aktivnosti i ostavljaju priloge u humanitarnim kasama postavljenim u tržnim centrima. Posebnu zahvalnost upućujemo donatoru iz Brčkog, gospodinu Bećiru Balijagiću, koji kontinuirano i značajno podržava humanitarne aktivnosti „Merhameta“ u Hercegovini.

Zahvalnost izražavamo i društveno odgovornim kompani-jama koje prepoznaju značaj misije „Merhameta“ i svojim donacijama doprinose realizaciji programa rada Region-alnog odbora Mostar – naglašava Hasić.



4.240 prehrambeno-higijenskih paketa, vrijednih blizu 150.000 KM. Uz podršku „Merhameta“ Švedske, realizirana je akcija „Ogrjev 2025“, kojom je obuhvaćeno 19 porodica s područja Stoca, Čapljine i Mostara. Svakoj porodici osigurane su po dvije palete drva, a ukupna vrijednost ove pomoći iznosila je 5.650 KM. Samo tokom mjeseca ramazana, Regionalni odbor „Merhameta“

Mostar je na području Hercegovine podijelio više od 1.000 prehrambeno-higijenskih paketa, potom 1.850 iftara, 3.000 kilograma hurmi, kao i druge vidove pomoći. Iftari pripremljeni u Narodnoj kuhinji u Jablanici distribuirani su u povratničke džemate, te dostavljani postaćima u potrebi na području općine Jablanica. - Kao i prethodnih godina, našu misiju dobročinstva podržale su brojne partnerske

organizacije. Uz podršku građana i partnerskih organizacija upriličeni su zajednički iftari u povratničkim sredi-nama, odnosno u povratničkim džematima Raštani, Rabina i Kokorina kod Mostara, Omerovići kod Tomislavgrada, te u Ljubinju, Nevesinju, Prozoru i Čapljini. Posebno ističemo veliki iftar u Jablanici, koji je donirala Turska vojna misija u okviru EUFOR-a, kao i iftar u Vrapčićima, organiziran

u saradnji s Turskim crvenim polumjesecom – kaže direktor Regionalnog odbora „Merhameta“ Mostar Adnin Hasić i dodaje: - Naše ramazanske i redovne aktivnosti podržali su: „Merhamet“ Njemačke, „Merhamet“ Švedske, Helping Hand, HO „Milost“ iz Norveške, Turska agencija za međunarodnu saradnju i koordinaciju (TIKA), Fondacija vak-u-ufa Diyaneta Turske,



„Crveni polumjesec“ Turske, Udruženje „Izvor dobroćinstva“ te International Charity Organization iz Ujedinjenih Arapskih Emirata. Posebno ističemo partnerstvo sa organizacijom „Johanniter-Unfall-Hilfe“ e.V. iz Njemačke, s kojom je krajem decembra nastavljena saradnja s ciljem podrške realizaciji zimske akcije distribucije oko 2.000 prehrambeno-higijenskih paketa na području Hercegovine. Za narod Gaze, tokom 2025. godine, „Merhamet“ je na području Hercegovine prikupio i uplatio oko 10.000 KM. Regionalni odbor „Mer-

hameta“ Mostar dao je veliki doprinos tokom perioda elementarne nepogode, u oktobru 2024. godine. Taj doprinos je prepoznat od Kantonalnog štaba civilne zaštite HNK-a i Uprave za civilnu zaštitu i vatrogastvo HNK-a. Na svečanosti povodom Dana civilne zaštite, predsjedniku „Merhameta“ Kenanu Vrbancu i direktoru Regionalnog odbora „Merhameta“ Mostar Adninu Hasiću dodijeljene su zahvalnice, koju je „Merhametu“ uručio i Grad Konjic. Zahvalnicu Osnovnom odboru „Merhameta“ Jablanica dodijelila je Federalna uprava civilne zaštite.



Regionalni odbor „Merhameta“ Mostar je tokom 2025. godine podržao obnovu i izgradnju dvije džamije u povratničkim džematima Oplećani (MIZ Tomislavgrad – Duvno) i Gornja Bijenja (MIZ Nevesinje).

- Uz podršku Vlade HNK-a i resornog Ministarstva zdravstva, rada i socijalne zaštite realizira se godišnji projekat „Misli i čini dobro“, koji podrazumijeva distribuciju prehrambeno-higijenskih paketa porodicama slabijeg materijalnog stanja na području HNK-a. Takođe, Vlada HNK-a, resorno ministarstvo i Općina Jablanica kontinuirano podržavaju rad Narodne kuhinje u Jablanici – naglašava Hasić.

Na prijedlog direktora Regionalnog odbora Adnina Hasića i člana Upravnog odbora Safeta Oručevića, uz podršku rektorce Univerziteta „Džemal Bijedić“ prof. dr. Alene Huseinbegović i muftije u penziji Seida ef. Smajkića, Upravni odbor HO „Merhamet“ MDD donio je odluku o dodjeli plakete „Merhameta“ Ahmetu Kurtu, književniku i istraživaču iz Mostara.

Plaketa mu je dodijeljena 15. oktobra na svečanosti „Merhameta“, za doprinos afirmaciji i promociji rada ovog društva, posebno kroz istraživački rad dokumentiran u knjizi Plemeniti Mostar, u kojoj su zabilježene humanitarne aktivnosti „Merhameta“ iz 1942. godine, kada je ova organizacija posredovala u zbrinjavanju 610 djece iz Istočne Bosne u dolini Neretve, čiji su roditelji stradali od četničke ruke.

- U narednom periodu nastojat ćemo dodatno promovirati našu misiju dobroćinstva te unaprijediti saradnju s društveno odgovornim kompanijama, organizacijama i institucijama, kako bi rad „Merhameta“ u Hercegovini bio još kvalitetniji, a borba protiv siromaštva efikasnija – poručio je Adnin Hasić.



Regionalni odbor „Merhameta“ Travnik

OBROCI, PAKETI - ŠKOLSKI PRIBOR I SENDVIČI ZA SIROMAŠNE UČENIKE

Ukupna vrijednost svih vrsta pomoći koje je travnički „Merhamet“ podijelio tokom dvanaest mjeseci iznosila je oko 635.000 KM. Za svojih 605 korisnika, u svojim javnim kuhinjama u Travniku, Novom Travniku, Donjem Vakufu i Jajcu, pripremio je i podijelio više od 160.000 obroka, ukupne vrijednosti od 481.000 KM



Regionalni odbor „Merhameta“ Travnik je i u 2025. godini imao brojne i raznovrsne aktivnosti. Ukupna vrijednost svih vrsta pomoći koje je travnički „Merhamet“ podijelio

tokom dvanaest mjeseci iznosila je oko 635.000 KM.

Za svojih 605 korisnika, u svojim javnim kuhinjama u Travniku, Novom Travniku, Donjem Vakufu i Jajcu,

pripremio je i podijelio više od 160.000 obroka, ukupne vrijednosti od 481.000 KM.

U 2025. godini, Regionalni odbor „Merhameta“ Travnik podijelio je i 300 prehrambeno

higijenskih paketa, vrijednih 21.500 KM. Obezbijeđeni su i dječiji paketići, konzerve, tjestenina, sendviča za djecu, u ukupnoj vrijednosti od oko 13.000 KM, potom jednokratnu





DONACIJE "HIFA PETROLA" I BENZINSKE PUMPE "TIOIL"

Povodom otvorenja nove benzinske pumpe u Travniku, kompanija "Hifa Petrol" uručila je Regionalnom odboru "Merhameta" Travnik donaciju od 2.000 KM.

Vrijednu novčanu donaciju u iznosu od 3.000 KM, povodom otvaranja benzinske pumpe "Tioil" na ulazu u Novi Travnik, porodica Matošević je uručila Narodnoj kuhinji „Merhamet" u Novom Travniku.

Ove donacije se značajno doprinijele radu "Merhametovih" kuhinja i pripremi obroka "Merhametovim" korisnicima.



novčanu pomoć od 1.890 KM. Podijeljene su i stipendije za 30 učenika, vrijedne 15.700KM, školski pribori za 260 učenika, u vrijednosti od 3.100 KM te novogodišnji paketići, ukupne vrijednosti od 1.700 KM.

Regionalni odbor „Merhameta" Travnik je i ove godine uspješno realizovao akciju podjele školskog pribora djeci korisnika narodnih kuhinja. Zahvaljujući podršci dobrih ljudi, djeca su dobila školske torbe, sveske, olovke, bojice i ostali pribor potreban za uspješan početak nove školske godine.

Korisnici "Merhametovih" kuhinja, njih 633, dobili su kurbanско meso, ukupne vrijednosti od 53.000 KM. Tokom ramazana pripremljeno je 1.790 iftara, vrijednih 18.000 KM, te je podijeljeno 250 paketa, vrijednih 8.000 KM, kao i hurme u vrijednosti od 15.000 KM.

Pored svojih redovnih humanitarnih aktivnosti, "Merhamet" Travnik već nekoliko godina redovno uplaćuje novac za sendviče za 10 učenika iz OŠ Travnik tokom cijele školske godine. Zahvaljujući ovome, djeca koja nemaju dovoljno sredstava za obrok u školi, svaki dan dobivaju sendvič.

Povodom Ramazanskog bajrama sekretar Osnovnog odbora „Merhameta" Novi Travnik posjetio je Dom za djecu sa posebnim potrebama „Duga" u Novom Travniku gdje je podijelio paketiće šticeenicima Doma. U prostorijama "Merhameta" Bugojno izvršena je podjela 60 paketa školskog pribora za djecu polaznike osnovnih i srednjih škola u Bugojnu, a čije se porodice nalaze u stanju socijalne potrebe. Travnički "Merhamet" za realizaciju ove akcije izdvojio 1.000 KM.

Povodom obilježavanja Dana bijelog štapa, predstavnici travničkog "Merhameta" su posjetili Udruženje slijepih i slabovidnih osoba SBK. Tom prilikom uručeni su prehrambeno-higijenski paketi za najugroženije članove.

Brojne su donacije i za "Merhametovu" kuhinju u Donjem Vakufu. Između ostalih,





NASTAVNICI I UČENICI URUČILI POKLONE DJECI "MERHAMETOVIH" KORISNIKA

Nastavnici i učenici Prve osnovne škole u Donjem Vakufu posjetili su "Merhametovu" narodnu kuhinju u tom gradu, gdje su uručili poklone za "Merhametove" najmlađe korisnike.

Time se pokazali solidarnost i brigu za one kojima je pomoć najpotrebnija.

Pored toga, zahvaljujući donatorima "Merhameta", osigurane su i nove donacije za pripremu obroka.

Vočara "Bektaš" donirala je povrće, a firma "Promo" namirnice za pripremu obroka. Besim Opardija je donirao 70 kg svježeg kupusa. Donacije za javnu kuhinju dali su i Omer Habib, Maja Kurić-Bajraktarević i Šekib Hadžić.


Zahvaljujući velikodušnoj donaciji u iznosu od 30.000 KM, koju je omogućila anonimna donatorka iz Donjeg Vakufa, za "Merhametovu" kuhinju je nabavljena škrinja i mašina za mljevenje mesa. Ostatak sredstava iskoristit će se u skladu sa potrebama kuhinje i "Merhametovih" korisnika.

Regionalni odbor "Merhameta" Travnik, u saradnji sa "Crvenim polumjesecom" Turske, realizovao je akciju podjele pomoći za 25 djece jetima na području SBK. U okviru ove akcije, djeci bez jednog ili oba roditelja uručeni su paketi pomoći koji uključuju: odjeću i obuću, ruksak sa školskim priborom, električni uređaj za kuću, te vaučer u vrijednosti 400 KM.

Ova akcija predstavlja nastavak dugogodišnje uspješne saradnje između "Merhameta" i "Crvenog polumjeseca", koji zajednički realizuju brojne projekte pomoći u BiH.

Zahvaljujući donaciji "Merhameta" Njemačke, Regionalni odbor "Merhameta" Travnik je obradovao socijalno ugrožene porodice na koje pokriva travnički „Merhamet“. Donatorskim sredstvima obezbijedeno je 100 metara drva (50 paleta po 2 metra) za 50 porodica, zatim 130 prehrambenih paketa, kao i 300 paketića za djecu. Podjela te donacije je izvršena u općinama Jajce, Donji Vakuf, Bugojno, Novi Travnik, Vitez i Travnik. "Merhamet" Njemačke obezbijedio je sredstva i za pripremu iftara koji su dostavljani na kućni prag starim, iznemoglim i teško pokretnim osobama.

U Općini Jajce uručeni su prehrambeni paketi za nekoliko socijalno ugroženih porodica. Donaciju u kupovinu paketa obezbijedio je "Merhamet" Norveške.



Regionalni odbor „Merhameta“ Zenica

SOCIJALNO UGROŽENIM POMOĆ VRIJEDNA 745.000 KM



U svoje tri kuhinje, u Brezi, Kaknju i Zenici, Regionalni odbor „Merhameta“ Zenica, pripremio je i podijelio oko 190.500 obroka, u vrijednosti od oko 512.000 KM. Osim toga, korisnicima je lani podijeljeno i oko 2.500 paketa, vrijednih oko 53.000 KM

Sveukupna vrijednost pomoći koju je Regionalni odbor „Merhameta“ Zenica podijelio tokom 2025. godine iznosila je oko 745.000 KM. U svoje tri kuhinje, u Brezi,

Kaknju i Zenici, Regionalni odbor „Merhameta“ Zenica, pripremio je i podijelio oko 190.500 obroka, u vrijednosti od oko 512.000 KM. Tokom ramazana

pripremljeno je i podijeljeno 3.675 iftara, u vrijednosti od 35.500 KM, a ukupna vrijednost uručene pomoći tokom mjeseca Ramazana iznosila je oko 68.000 KM. U realizaciji

ramazanskih aktivnosti bilo je uključeno preko 50 volontera, studenata i učenika koji su pomagali prilikom pripreme, pakovanja i dostave iftara. Tokom Ramazana u 2025. go-



REALIZOVANA AKCIJA „UČENICI POMAŽU MERHAMETOVU KUHINJU“

Akcija „Učenici pomažu Merhametovu kuhinju“ postala je već tradicionalna i realizuje se u saradnji sa osnovnim i srednjim školama na području Zenice, Kaknja i Breze. U akciji je učestvovalo 14 osnovnih i 6 srednjih škola te je prikupljeno prehrambenih i higijenskih artikala u vrijednosti od 16.500 KM. Učestvovala su sljedeće škole: Prva gimnazija u Zenici, OŠ „Edhem Mulabdić“, i OŠ „Aleksa Šantić“ Zenica, potom O.Š. „Arnauti“, OŠ „Čamil Sijarić“ Nemila, OŠ „Alija Nametak“, OŠ „Vladimir Nazor“, Mješovita srednja škola Zenica, OŠ „Musa Čazim Čatić“, SMŠ „Mladost“, Mješovita srednja industrijska škola, Medicinska škola, OŠ „Hasan Kjačija Pruščak“, OŠ „Hasan Kikić“, OŠ „Skender Kulenović“, OŠ „Hamza Humo“, OŠ „Mak Dizdar“, Ekonomska škola, OŠ „Meša Selimović“, OŠ „Miroslav Krleža“.





BROJNI DONATORI

I u 2025. godini, aktivnosti Regionalnog odbora „Merhameta“ Zenica podržali su brojni donatori, među kojima su: Zeničko-dobojski kanton, Grad Zenica, Općina Kakanj, Općina Breza, Grad Visoko, Medžlis islamske zajednice Zenica, Kakanj, Breza i Visoko, Federalno ministarstvo za rad i socijalnu politiku, „Merhamet“ Norveška, Švedska i Njemačka, pekara „Prušćanović“ Zenica, pekara „A.S.“ Breza, pekara „Mido“ Zenica, pekara „Ditta“ Zenica, pekara „Euroklas“ Zenica, juškara „TIP TOP“ Zenica, slastičarna „Kristal“ Zenica, „Buenoo domaći kolači“, „Esof“ d.o.o. Donji Vakuf, „Almy“ d.o.o., „Almy-transport“ d.o.o., „Brkić petrol“, „Ekor Komerc“ d.o.o., „Hass komerc“ d.o.o. Zenica, „Fuel Boss“ d.o.o. Zenica, „Feko sale“ d.o.o. Zenica, fast food „Toster“ Zenica, „Bio-Šamp“ d.o.o., „BK Gradnja“ d.o.o. Zenica, „Tola-company“ Zenica, Obdanište „Sindibad“ Zenica, Obdanište „Feriha Sultan“ Zenica, Vrtić „Pčelica i med“ Kakanj.

Rad „Merhameta“ podržali su i: „Premium group“ Visoko, „Nerzz Bešlagić“, Mesna industrija „OVAKO“, „MADI“ Tešanj, „Perutnina-Ptuj-BH“ Breza, udruženje „Most-bro“ Danska (Breza), „Ame“ Breza, „Trgošped“ Kakanj, „Nova Trgovina-S“ Kakanj, Plantaža „Baš-Bašča“ Breza, „Termo-beton“ Breza, „Kazaz“ Breza, „Nahonal-Gas“ Breza, „Autodijelovi Start“ Breza, potom „Naša riječ“, portali Zenicablog, Zenicainfo, Breza-x, radio Breza i Narodni radio, RTV Zenica.



dini prikupljeno je novčanih donacija u iznosu od oko 62.500 KM te robnih donacija, u vrijednosti 58.850 KM. Sjedište „Merhameta“ u Sarajevu doniralo je 100 paketa KM za socijalno ugrožene, vrijednih oko 3.300 KM. Posredstvom Sjedišta „Merhameta“ i ove godine ramazanske aktivnosti RO Zenica podržali su: „Merhamet“ Njemačke sa 3.200 KM za pripremu 200 iftara u Zenici i Kaknju, organizacija „Helping Hand“ sa 2.940 KM za pripremu 300 iftara i 100 prehrambenih paketa koji su uručeni za socijalno ugrožene porodice u Visokom. U toku 2025. godine putem sredstava po javnim pozivima, rad kuhinja je sufinansiran od strane: Ministarstva za rad i socijalnu politiku ZDK (184.750 KM)

Federalnog ministarstva rada i socijalne politike (14.620 KM), Općine Kakanj (40.000 KM i Općine Breza (2.900 KM).

Osim toga, korisnicima je lani podijeljeno i oko 2.500 paketa, vrijednih oko 53.000 KM.

Pomoć u vidu prehrambenih paketa dodjeljuje se socijalno ugroženim osobama nastanjenim pretežno u ruralnim područjima, a koje zbog udaljenosti ili iz zdravstvenih razloga nisu u mogućnosti svakodnevno dolaziti po obrok u kuhinju.

Obavljeno je oko 400 posjeta korisnicima „Kućne njege“ u Zenici, Kaknju i Visokom, kojima je uručena pomoć u vrijednosti od oko 19.000 KM.

Ovaj projekat je u 2025. godini sufinansiralo Federalno ministarstvo rada i socijalne politike, u iznosu od 24.800 KM.

Socijalno ugroženim porodicama podijeljeno je i 1.200 kg kurbanskog mesa, u vrijednosti od 19.080 KM, potom 3.800 kg hurmi, u vrijednosti od 9.200 KM, kao i razne vrste pomoći korisnicima kuhinja, u vrijednosti od oko 60.000 KM.

- Regionalni odbor „Merhamet“ Zenica djeluju na

području Zenice, Kaknja, Breze, Žepča, Vareša i Visokog. Glavni ciljevi su: pomoći starim, bolesnim i iznemoglim i mladima kojima je potrebna pomoć, svima njima vratiti osmijeh na lice i život učiniti ugodnijim. Cilj je da se podrže socijalni programi koji se realizuju na prostoru djelovanja ali i da se osmišljavaju i realizuju i vlastiti projekti – kaže direktorica Regionalnog odbora „Merhameta“ Zenica Zijada Kliko-Pezić.


Jedan od značajnih i prepoznatljivih projekata Regionalnog odbora „Merhameta“ Zenica je i „Mala pkola“.

- Nakon četiri godine realizacije, možemo konstatovati veliki uspjeh i pomak u realizaciji ovog projekta. Od prostorije koja je bila nedovoljno iskorištena, sada imamo opremljenu učionicu adaptiranu za potrebe edukacije i druženja sa djecom. Naša volonterka Berina i dalje je aktivno angažovana u realizaciju „Male škole“, koju aktivno pohađa dvadesetero djece. Ovogodišnja novina u Maloj školi je angažman učiteljice Azre Ekinović, koja se samoinicijativno ponudila da tokom mjeseca augusta radi s djecom. Željela je ponuditi svoje znanje i stručnost na raspolaganje kako bi djecu nakon raspusta pripremila za novu školsku godinu.

U saradnji sa kompanijom „BH Telecom“ - Direkcija Zenica, uspjeli smo obezbijediti osnovni školski pribor za 40 djece, polaznika „Male škole“. Vrijednost donacije 1.000 KM – kaže Kliko-Pezić.

Krajem 2025. godine, u saradnji sa „International Charity Organization“ Sarajevo, putem realizacije zimskih projekata, za ukupno 67 osoba sa područja Zenice, Kaknja i Visokog obezbijeđena je pomoć u vidu: donacije ogrjeva (drva i briketi), donacije konvektora i plaćanja računa za struju i grijanje.

U povodu Svjetskog dana





BESPLATNO ŠIŠANJE KORISNIKA KUHINJE

U saradnji sa Srednjom mješovitom školom „Mladost“ u Zenici, u toku 2025. godine nekoliko puta je realizovana akcija besplatnog šišanja za sve korisnike „Merhametove“ kuhinje u Zenici.

- Na taj način korisnici su imali priliku za besplatno šišanje a učenici priliku za volonterski angažman i dodatnu praksu – kaže Kliko-Pezić.



hrane i Međunarodnog dana borbe protiv siromaštva, kao i svake godine, Regionalni odbor „Merhameta“ Zenica je korisnicima kuhinja u Zenici, Kaknju i Brezi, pripremio obilniji obrok i podijelio voće, kolače i pite.

Podršku su pružili: „Buenoo domaći kolači“ Zenica, „Magnolija“ Zenica, Autodijelovi „START“ Breza, Tr „Orijet“ Podlugovi, Buregdžinica i čevabdžinica „OAZA“ Kakanj, Pekara „Delibašić“ Kakanj i Slastičarna „Ella“ Kakanj.

U povodu 1. oktobra - Svjetskog dana starijih osoba, volonteri „Merhameta“ su posjetili starije osobe, provjerili im šećer i tlak, te im podijelili sezonsko voće i povrće. Pored Zenice i Kaknja, projekat je proširen i na područje Visokog, zahvaljujući volonterima Elmi Omerašević, Sabiri Merdić i učenicima MSŠ „Hazim Šabanović“ Visoko.

U toku 2025. godine, Osnovni odbor „Merhameta“ Visoko realizovao je projekat „Misli i čini dobro u lokalnoj zajednici“. Sekretar OO Visoko zajedno sa volonterima obilazio je socijalno ugrožene osobe i uručivao im prehrambene pakete. Pored nekoliko donatora, projekat je sufinansirao i Grad Visoko sa 2.000 KM.

Povodom Svjetskog danas dijabetesa, koji se obilježava 14. novembra, „Merhamet“ organizovano je mjerenje šećera i tlaka u prostorijama „Merhameta“ u Zenici i Kaknju. Svi posjetitelji su imali priliku na druženje, uz kafu, čaj, slatkiše i osvježanje.

Krajem 2025. godine, Regionalni odbor „Merhameta“ Zenica posjetili su predstavnici njemačke organizacije „Johaninter“ radi uspostavljanja saradnje i ugovaranja o isporuci paketa za „Merhametove“ korisnike. Nakon toga, od ove organizacije zaprimljeno je 1.600 prehrambeno-higijenskih paketa za osobe u stanju socijalne potrebe. Ova donaciji vrijedna je 7.200 eura.



Regionalni odbor „Merhameta“ Maglaj

POMOĆ VRIJEDNA VIŠE OD 1.250.000 KM



U kuhinjama ovog regionalnog odbora u Maglaju i Zavidovića lani je pripremljeno i podijeljeno 72.720 obroka, u vrijednosti od 291.000 KM. Tokom cijele godine podijeljeno je i 3.125 prehrambeno-higijenskih paketa, u vrijednosti od 250.000 KM

Regionalni odbor „Merhameta“ Maglaj je u 2025. godini imao je intenzivne aktivnosti te je u tom periodu socijalno ugroženom

stanovništvu na području koje ovaj odbor „pokriva“ podijelio pomoć, čija je ukupna vrijednost iznosila više od

1.250.000 KM.

U kuhinjama ovog regionalnog odbora u Maglaju i Zavidovića lani je pripremljeno i podijeljeno 72.720

obroka, u vrijednosti od 291.000 KM. Tokom cijele godine podijeljeno je i 3.125 prehrambeno-higijenskih paketa, u vrijednosti od



250.000 KM i to na području: Zavidovića, Maglaja, Tešnja, Doboja, Doboju Juga, Teslića i Odžaka, a sve zahvaljujući „Merhametovim“ partnerskim organizacijama „Helping Hand“, TIKa, „Izvor dobročinstva“, „Trajno dobro“, „Qatar Charity“ (katarska humanitarna organizacija).

U toku cijele godine, a posebno za vrijeme Kurbanbajrama, svojim korisnicima maglajski „Merhamet“ je dijelio kurbanско meso na cijeloj regiji Maglaja, Doboju Juga, Bosanskog Šamca, Zavidovića i Odžaka i Šamca. Za 1.642

korisnika podijeljeno je kurbanско meso, u vrijednosti 848.000 KM.

U mjesecu ramazanu, u Maglaju i Zavidovićima je pripremljeno i podijeljeno 1.750 iftara, u vrijednost od 15.700 KM. Organizovana je i dostava iftara na kućni prag, a upriličeni su i iftari za učenike i nastavnike koji učestvuju u „Merhametovim“ akcijama te za postače u Doboju, u Donjoj džamiji Trnjak, zatim Ružević Teslić, a sve zahvaljujući donatorima, pravnim i fizičkim licima, kao i „Merhametu“ Njemačke i organizaciji „Helping Hand“. - U našim prostorijama, orga-



CRS DONIRAO 22.000 KM ZA HLADNJAČU

U novom objektu Regionalnog odbora „Merhamet“ Maglaj instalirana je nova hladnjača zahvaljujući donaciji od 22.000 KM koju je obezbijedila organizacija CRS.

- Zahvaljujući ovoj donaciji obezbijeđeni su dodatni kapaciteti za skladištenje kurbanskog mesa za vrijeme Kurban-bajrama. Inače, kurbansko meso se koristi tokom cijele godine za pripremu toplih obroka u našim Javnim kuhinjama u Maglaju i Zavidovićima – kazala je Sanela Omerović.



nizovali smo iftar na kojem je prisustvovao i velečasni Franjo Tomić, protojerej Vladimir Kukić, efendija Salih Subašić, kao i članovi šehidskih i poginulih boraca, bivši logoraši i RVI, demobilisani borci i članovi civilnih žrtava rata, kao i vijećnici iz Općinskog vijeća koji su kroz plaćanje članarine dali podršku našem radu – kaže Omerović.

Maglajski „Merhamet“ je u ramazanu podijelio i bajramske poklone za djecu djece oboljelu od autizma, djecu sa poteškoćama u razvoju (vrijednost 3.000 eura). Donaciju za 150 djece na području Maglaja, Zavidovića, za udruženja „Mala sirena“ i „Djeca sa izazovom“ obezbijedili su Bošnjaci Frankfurta i ostale dijaspore.

- U januaru imali smo značajnu posjetu federalnog ministra rada i socijalne politike Adnana Delića sa saradnicima i načelnikom Općine Maglaj Maidom Suljakovićem koji su obišli naš objekat u izgradnji, a za koje je ovo Delićevo ministarstvo u 2024. godine izdvojilo 100.700 KM. Zahvaljujući raspisanom Javnom pozivu za kapitalne projekte, aplicirali smo sa projektom „Konačno uređenje prostorija Javne kuhinje sa poludnevnom boravkom u Maglaju“ i odobren nam je iznos od 134.700 KM

U februaru su našu kuhinju i naš objekat posjetili ministar u Vladi ZDK Antonio Šimunović, potom Samir Šibonjić te načelnici općina Tešanj, Doboj Jug i Odžak, Suad Huskić, Mirnes Tukić i Anes Osmanović, kao i načelnik Općine Maglaj Maid Suljaković. Gosti su obećali podršku za konačno uređenje objekta – kaže direktorica Regionalnog odbora „Merhameta“ Maglaj Sanela Omerović.

Zahvaljujući donaciji „Merhameta“ Njemaške, Regionalni odbor „Merhameta“ Maglaj

je podijelio bukov ogrjev za 40 porodica na području Maglaja i 200 dječijih poklona za djecu u povratničkom mjestu Kamenica kod Teslića, a koji pohađaju OŠ „Dositej Obradović“. Obradovana su djeca iz socijalno ugroženih porodica na području Zavidovića, Tešnja, Odžaka i Doboj Juga. Ukupna donacija „Merhameta“ Njemačke iznosila je 9.000 eura.

- Načelnik Maglaja Maid Suljaković na Dan općine Maglaj uručio je Zahvalnicu grada za sav doprinos „Merhameta“ Maglaj lokalnoj zajednici i pomoći onima kojima je najpotrebnije. Zahvalni smo novoizabranom načelniku Suljakoviću na povećanju pomoći „Merhametu“ iz općinskog budžeta na iznos od 40.000 KM – naglasila je Sanela Omerović.

Zahvaljujući Kantonalnim robnim rezervama, za podršku radu Javnih kuhinja u Maglaju i Zavidovićima obezbijeđene su neophodne namirnice i higijenska sredstva, u vrijednosti od oko 14.000 KM.

Osnovni odbor „Merhameta“ Odžak, čiji je sekretar Azaudin Porobić, proširio je aktivnosti na ovom području pružajući materijalnu pomoć članovima Udruženja oboljelih od mentalnih bolesti „Neuron“. Svoj doprinos dao je u organizaciji ramazanskog iftara za povratnike u rodnoj kući Alije Izetbegovića koja je u vlasništvu „Merhameta“. Zajedno sa načelnikom Odžaka Anesom Osmanović za sto djece su podijeljeni bajramski pokloni, a izvršena je podjela i 80 prehrambenih paketa, u vrijednosti 4.000 KM.

Osnovni odbor „Merhameta“ Orašje sa sekretarom Ahmedom Beširevićem je započeo svoje aktivnosti te podijelio 30 školskih ruksaka zahvaljujući donatorima „Banjotrans“ i „Silktrade“. Izvršena je i podjela kurbanskog mesa za 160 korisnika. U septembru su Merhamet“ u





VRIJEDNA DONACIJA UČENIKA IZ GRADAČCA

Učenici OŠ "Ivan Goran Kovačić" iz Gradačca prikupili su značajne količine namirnica za "Merhametovu" Javnu kuhinju, odnosno za pripremu obroka korisnicima kuhinje.

- Učenici i njihovi roditelji, nastavno osoblje i pedagogica Azra Ahmetović pokazali su izuzetnu humanost i društvenu odgovornost prikupljanjem značajnih količina namirnica za potrebe Javne kuhinje u Maglaju. Prikupljene namirnice (brašno, ulje, tjestenina, konzervirana hrana i začini) biće iskorišćene za pripremu obroka našim korisnicima – istakla je Sanela Omerović.

Maglaju, sa roditeljima i učiteljem Ismetom Hajdarevićem, posjetili učenici OŠ „Dositej Obradović“ Kamenica Teslić i donirali 1505 KM za Javnu kuhinju.

Aktivnosti Regionalnog dobora „Merhameta“ Maglaj podržali su brojni donatori: „Izvor dobročinstva“ Sarajevo, Bošnjaci Frankfurta i dijaspore, „Islamic Relief“, „Helping Hand“, „Merhameti“ Norveške, Njemačke i Švedske, Centrala „Merhameta“ u Sarajevu, Udruženje „Svjetlost“ Maglaj, „Qatar Charity“, „HAJR“

Maglaj, OŠ „Gazi Ferhad Beg“, Udruženje žena „FONTANA“ Maglaj, Udruženje „CICMANKA“ Novi Šeher.

- Posebna zahvala donatorima: MI 99 Gradačac, Bontex Maglaj, INOX Ajanović, INŽENJERING1 Jelah, „Madi“, „Natron Hayat“ Maglaj, „Fuel Boss“, NERI Maglaj, OBNOVA Jelah, ALU WOOD INŽENJERING Maglaj, VIOLETA, AS Jelah, GEO PUT Maglaj, EURO VEZ Tešanj, IZOTERM Tuzla, MIRNA Gračanica, BIO ŠAMP, farme KEPIĆ i MAGLAJKA, VOČKO PROM

Maglaj, AGRO ŠAMP Maglaj, BUDO EXPORT Maglaj, BELIF Tešanj, JAMI Tešanj, LEDO, Mlin NEZIĆ, SUN PACK, EURO ONIX Tešanj, LUKAS TP NAKIĆ, slastičarna CARI-GRAD, PEKARA CENTAR, ZEMA Tešanj, SUNPACK Tešanj, „PERO“ PPU, „Svjetlost“, VODOMONT, samoposluga „Armin“, IZOTERM, „Adi Mark“, „Flexo S“, „Banjotrans“, „Subašić“, kolektivi osnovnih i srednjih škola Maglaj, Tešanj, Matuzići, Jablanica. Biblioteka Maglaj, „BH Telecom“, Pošta Maglaj, Elektro distribucija maglaj, Dom zdravlja Maglaj, Narodna apoteka Maglaj.

Hvala Medžlisima IZ u Maglaju i Zavidovićima na donaciji poljoprivrednih proizvoda na ime Zekjata za naše kuhinje. Hvala i učenicima MSŠ Maglaj, zanimanje frizer/vlasuljar, i nastavnici Jasmini Lošić za besplatno šišanje naših korisnika i drugu vrstu pomoći.

Zahvalni smo i donatorima koji podržavaju rad naših kuhinja, a to su: Hidajeta Bekrić, Zineta Kusur, Ramza i Fikret Kadribašić, porodica Velić, volonterkama Vahidi Jašić i Kadi Meškić, potom Hasna Tutan, Armina Turčinović, Refija Kadušić, Mirzet Muminović, Safira Karajbić – kaže Sanela Omerović.

Između ostalog, kompanija BUDO-EXPORT donirala je maglajskom "Merhametu" 1.000 kg bukovog briketa za potrebe zagrijavanja prostorija Javne kuhinje u zimskim danima. Vrijedna je bila i pomoć kompanije "BELIF" iz Tešnja koja je "Merhametu" donirala sredstava za održavanje higijene. Zahvaljujući čestim donacijama kompanije BIO ŠAMP, korisnici kuhinja često su imali prilike uživati u ukusnim jelima sa šampinjonima. Farma koka nosilja "MAGLAJKA" donirala je kuhinji svježa konzumna jaja.



Regionalni odbor "Merhameta" Goražde

KORISNICIMA 17.570 OBROKA, 30.400 HLJEBOVA I 450 PAKETA



Ukupna pomoć podijeljena socijalno ugroženim porodicama iznosila je 220.000 KM. Djeci sa prostora Višegrada i Međeđe podijeljeno 100 vaučera, u vrijednosti od 7.000 KM, a jetimima sa prostora Goražda u iznosu od od 8.000 KM. Ovu donaciju obezbijedio je "Merhamet" Njemačke

Regionalni odbor "Merhameta" Goražde u 2025. godini je socijalno ugroženim porodicama podijelio pomoć

vrijednu 220.000 KM. Riječ je o različitim vrstama pomoći: od obroka, hljebova, prehrambenih paketa, drva za ogrijev i ostalih

vrsta pomoći koje su došle do krajnjeg korisnika. U Narodnoj kuhinji "Merhameta" Goražde je u prethod-

noj godini korisnicima pripremljeno i podijeljeno 17.570 obroka, čija je ukupna vrijednost iznosila blizu 105.000 KM. U "Merhame-





tovoj" pekari u tom gradu pripremljeno je i podijeljeno 30.400 hljebova, u vrijednost od 45.550 KM.

Regionalni odbor "Merhameta" Goražde je socijalno ugroženim porodicama u 2025. godini podijelio i 450 prehrambenih paketa, vrijednih 29.000 KM. Najveći broj paketa je podjeljen u mjesecu ramazanu.

- Tokom ramazana, "Merhamet" Goražde je, zahvaljujući mnogo-brojn timer donatorima i organizacijama, pripremio i podijelio 1.025 iftara, čija je vrijednost iznosila 10.250 KM. Iftari su podjeljeni na prostoru entiteta RS gdje se nalazi i veliki broj naših korisnika, kao i u gradu Goraždu gdje smo obišli mnoga udruženja sa posebnim potrebama i posjetili osobe starije životne dobi.

Zahvaljujući i dobrim ljudima, prije svega fizičim licima imali smo i veoma značajan broj donacija prije svega u namirnicama za kuhinju, pa smo tako na ime toga dobili robe u vrijednosti od oko 7.000 KM. Donacije su bile prije svega u životnim namirnicama, poput brašna, pileline, soli, ulja i ostalih namirnica neophodnih za rad kuhinje. Imali smo i novčane donacije u iznosu od 5.400 KM. Ukupna vrijednost svih doniranih stvari u mjesecu ramazanu iznosila je 43.650 KM - kaže direktor Regionalnog odbora "Merhameta" Goražde Ermin Hodžić.

"Merhamet" Goražde za svojih 15 korisnika obezbijedio i ogrjevno drvo, čija je vrijednost iznosila 3.900 KM. Podjela je izvršena na području Grada Goražda i Opštine Foča FBiH/Ustikolina, a ovu donaciju je obezbijedila organizacija "Helping hand".

- Djeci sa prostora Višegrada i Međeđe podijelili smo 100 vaučera, u vrijednosti od 7.000 KM, dok smo djeci, jetimima sa prostora Goražda podijelili vaučere u iznosu od od 8.000 KM. Ovu donaciju obezbijedio je "Merhamet" Njemačke - kaže Hodžić.



Regionalni odbor „Merhameta“ Banja Luka



BROJNA I RAZNOVRSNSA POMOĆ POVRATNICIMA

U 2025. godini, Regionalni odbor „Merhameta“ Banja Luka podijelio je raznu vrstu pomoći socijalno ugroženim porodicama na području manjeg bh. entiteta, čija je ukupna vrijednost iznosila 731.000 KM

Regionalni odbor „Merhameta“ Banja Luka je u 2025. godini imao brojne aktivnosti. U proteklom dvanaestomjesečju, banjalučki „Merhamet“ podijelio je raznu vrstu pomoći socijalno ugroženim porodicama na području manjeg bh. entiteta,

čija je ukupna vrijednost iznosila 731.000 KM.

U svojim kuhinjama u Tesliću, Bosanskoj Dubici, Banja Luci i Bosanskoj Gradšici, Regionalni odbor „Merhameta“ Banja Luka pripremio je i svojim korisnicima podijelio je 65.000 obroka, čija je ukupna vrijednost iznosila

325.000 KM.

- Samo u mjesecu ramazanu, podijelili smo 2.400 paketa licima u stanju potrebe. Njihova vrijednost iznosila je 240.000 KM. Podijelili smo i 600 dječiji paketića, vrijednih 6.000 hiljada KM. Tokom 2025. godine, podijelili smo socijalno ugroženim

porodicama još 1.000 prehrambenih paketa, u vrijednosti od 100.000 KM. U toku ramazana pripremili smo i podijelili 4.000 hiljade Iftara, vrijednih 60.000 KM – kazao je direktor Regionalnog odbora „Merhameta“ Banja Luka Jasmin Spahić. Članice Aktiva žena „Merhameta“ Bosanska Dubica u organizirale su posjetu starijim sugrađanima.



“MERHAMETOV” AKTIV ŽENA PRIPREMIO ZIMNICU

Članice Aktiva žena „Merhameta“ Bosanska Dubica poznate su po svojim mnogobrojnim akcijama čiji je cilj pomagnje radu „Merhametovih“ javnih kuhinja u manjem bh. entitetu, i briga socijalno ugroženim osobama.

- Jedna od njihovih aktivnosti u 2025. godini bila je i priprema kiselih salata za korisnike „Merhametove“ kuhinje. Zahvalni smo našim članicama Aktiva na dobrovoljnom angažmanu i podršci koju pružaju „Merhametu“ – kazao je Jasmin Spahić.





ŠKOLSKI PRIBOR ZA 110 UČENIKA

- Zahvaljući našim prijateljima iz organizacije “Patriotski Fenjer Fond”, na čelu sa Sanelom Babićem, kao i humanitarki Muniri Džabija, Regionalni odbor “Merhameta” je obezbijedio školski pribor za 110 učenika u Bosanskoj Kostajnici, Bosanskoj Gradišci, Derventi, Bosanskom Kobašu, Bosanskom Brodu, Modriči i Doboju. Akcija se nastavlja i u ostalim djelovima manjeg bh. entiteta. Na nama, kao društvu, je da djeci obezbijedimo siguran rast i razvoj, dobru edukaciju, jer su oni naša budućnost – istakao je Jasmin Spahić.



- Obradovali smo, između ostalih, 50 porodica u Banjoj Luci sa prehrambenim paketima, povrćem i voćem. Podjela se uglavnom odnosila na lica koja žive u stanovima i imaju minimalnu penziju. “Merhamet” će nastaviti pomagati građane u stanju socijalne potrebe – naglasio je Spahić. Regionalni odbor “Merhameta” Banja Luka predvodio je akciju prikupljanja pomoć za kupovinu stana za porodicu samohrane majke Ermine Demirović iz Kotor Varoša.

- Akcija je donijela je rezultat vrijedan divljenja – prikupljeno je više od 88.000 KM, zahvaljujući čemu je potpisan ugovor o kupovini novog stana. Ovaj projekat solidarnosti i zajedništva realizovan je uz podršku brojnih građana, partnera i organizacije Regionalnog odbora “Merhameta” Banja Luka. Svaki prikupljeni fening usmjeren je isključivo na obezbjeđivanje sigurnog doma za porodicu Demirović. Danas Ermina i njene kćerke Šejla i Ajla napokon imaju svoj mir, toplinu i krov nad glavom, a njihova majka ne krije zahvalnost i olakšanje.

Zahvaljujemo se svima koji su svojim donacijama, dijeljenjem informacija ili moralnom podrškom doprinijeli da ova priča dobije sretan epilog – naglasio je Spahić.

Jasmin Spahić je, sa saradnicima, uručili vozilo “kaddy” za potrebe Osnovnih odbora “Merhameta” Prnjavor, Derventa i Bosanski Brod.

- “Merhamet” Prnjavor i Derventa su u kratkom roku pokazali da žele raditi i da imaju kapaciteta da nose procese. Mi smo prepoznali trud naših ljudi u tim “Merhametovim” odborima, na čelu sa Admirom Džajom i Željansom Mustafičićem – poručio je Spahić.



Značajna podrška dijaspore



OD "MERHAMETA" NJE MAČKE POMOĆ VRIJEDNA 360.000 KM

"Merhamet" Njemačke je i u 2025. brinuo o učenicima iz siromašnih porodica u Bosni i Hercegovini, pa je obezbijedio mjesečne stipendije za 40 daka i studenata, u ukupnom iznosu od 39.670 KM (20.280 eura)

"Merhamet" Njemačke je tokom cijele 2025. godine aktivno pomagao rad "Merhametovih" organizacionih jedinica u Bosni i Herce-

govini, kroz obezbeđivanje vrijednih donacija za socijalno ugrožene porodice u našoj zemlji. Proteklih dvanaest mjeseci, "Merhamet"

Njemačke je, zahvaljujući donacijama Bosanaca i Hercegovaca u toj zemlji, dostavio pomoć čija je ukupna vrijednost iznosila 360.000 KM.

Za ramazanske aktivnosti, "Merhamet" Njemačke je obezbijedio 39.900 KM (20.400 eura). Sredstva su bila namijenjena za pripremi iftara koji





U NOVOGODIŠNJOJ AKCIJI DRVA ZA OGRJEV, PAKETI I PAKETIĆI

U svojoj "Novogodišnjoj akciji", "Merhamet" Njemačke je prikupio 27.480 KM (14.050 eura). Od tog novca, nabavljeno je 100 m³ iscijepanih drva za 50 porodica. Drva za ogrjev su isporučena socijalno ugroženim porodicama u Maglaju, Zavidovićima, Novom Šeheru, Misurićima, Poljicu, Ulišnjaku, Bijeloj Ploči, Jablanici, Kosovi, Moševcu i Ravnoj.

Obezbijedeno je i 300 dječijih paketića te 130 prehrambenih porodičnih paketa sa osnovnim životnim namirnicama koji su podijeljeni siromašnim porodicama u Mostaru, Prozoru, Jablanici, Bijelom Polju i Drežnici.



su starim i iznemoglim licima dostavljana na kućni prag, potom za dječije paketiće, dijelom kao novčana pomoć ugroženim porodicama i licima, ali i za nabavku konvektora za "Merhametovu" kuhinju u Travniku.

U okviru svoje tradicionalne akcije "Kinderkarawane", "Merhamet" Njemačke je obezbijedio 18.850 KM (9.940 eura). Djeci iz ruralnih područja Sarajeva podijeljeno je 377 "Bingo" vaučera, u apoenima od po 50 KM. "Merhamet" Njemačke podržao je i "Marš mira". Tako je za pripremu hrane i napitaka učesnicima "Marša mira", o čemu je brinuo Regionalni odbor "Merhameta" Tuzla, izdvojio 5.870 KM (3.000 eura).

Za pomoć porodicama u Jablanici, ugroženim katastrofalnim poplavama, "Merhamet" Njemačke je obezbijedio 25.600 KM (13.080 eura).

"Merhamet" Njemačke je i u 2025. brinuo o učenicima iz siromašnih porodica u Bosni i Hercegovini, pa je obezbijedio mjesečne stipendije za 40 daka i studenata, u ukupnom iznosu od 39.670 KM (20.280 eura).

Za pomoć socijalno ugroženim porodicama, posredstvom emisije TV Hayat "Ispuni mi želju", izdvojio je 15.900 KM (8.130 eura) - u svakoj emisiji po 300 KM.

Narodnoj kuhinji "Imaret" u Tuzli "Merhamet" Njemačka je osigurao donaciju od 4.900 KM za nabavku mašine za rezanje hljeba, kao i 8.000 KM za mašinu za rezanje povrća, dok je "Merhametovoj" pekari u Srebrenici donirano 6.300 KM čime je kupljena mašina za pravljenje kifli.



Organizacija jedinice u inostranstvu



POMOĆ "MERHAMETA" ŠVEDSKE 2.637.104 KM

Između ostalog, „Merhamet“ Švedske je lani obezbijedio 120.000 KM za „Merhametove“ javne kuhinje u Bosni i Hercegovini. Sredstva su raspoređena na 18 narodnih kuhinja. U redovnoj aktivnosti stipendiranja djece u Bosni i Hercegovini, prikupljena su sredstva od oko 207.000 KM

„Merhamet“ Švedske je u 2025. godini obezbijedio pomoć za socijalno ugrožene kategorije stanovništva u Bosni i Hercegovini u ukupnom iznosu od 2.637.104 KM (1.348.330 EUR). Realizirane su razne vrste pomoći. Između ostalog, „Merhamet“ Švedske je lani obezbijedio 120.000 KM za „Merhametove“ javne kuhinje u Bosni i Herce-

govini. Sredstva su raspoređena na 18 narodnih kuhinja: Banjaluka, Bihać (u sklopu koje je i kuhinja u Cazinu), Bosanska Dubica, Bosanski Novi, Breza, Donji Vakuf, Goražde, Jablanica, Jajce, Kakanj, Maglaj, Sarajevo (sa 4 punkta podjele), Travnik, Novi Travnik, Tuzla (18 punktova u 5 opština), Trebinje, Zavidovići i Zenica.

- Ove godine smo se odazvali na poziv Muslimanskog dobrotvornog društva „Merhamet“ u BiH da se pomogne familijama koje su u većem dijelu korisnici kuhinja, ali imaju problem sa grijanjem u zimskom periodu. Obezbijedili smo 5.000 KM za kupovinu po 2 kubna metra drva za 15 porodica – kaže predsjednik „Merhameta“ Švedske Fehim Halilović.

Akciji „IFTARI - Ramazanski paketi“, koju „Merhamet“ Švedske provodi već 24 godine u kontinuitetu, u 2025. godini je realizovana u Bosni i Hercegovini i u Gazi. U Bosni i Hercegovini realizovana je pomoć u iznosu od oko 108.000 KM (649.758 sek), pri čemu je obezbijedeno 2.000 ramazanskih paketa za porodice u stanju socijalne potrebe. U toku

ramazana je pripremljeno je i podijeljeno 11.600 iftara, po 400 iftara dnevno.

U organizaciji HO „Merhamet“ MDD iz Sarajeva i turske partnerske humanitarne organizacije IHH, u Gazi su, na licu mjesta, pripremani i dijeljeni iftari. Pored toga, podijeljeno je i 300 ramazanskih paketa za porodice u šatorskom naselju, protjerane stanovnike Gaze. Iftari u Gazi su finansirani oko 109.000 KM (653.280 sek).

Pored brojnih projekata i aktivnosti, „Merhamet“ Švedske je u 2025. ponovo pomogao djecu bez jednog ili bez oba roditelja i

djecu slabog materijalnog stanja. U redovnoj aktivnosti stipendiranja djece u Bosni i Hercegovini, prikupljena su sredstva od oko 207.000 KM (1.241.457). - „Merhamet“ Švedske svake godine provodi aktivnosti pružanja pomoći pod nazivom „Urgentni slučajevi“. Akcija se provodi uz suradnju sa pojedincima i organizacijama, koji samostalno prikupljaju sredstva i akciju odrađuju posredstvom Merhameta Švedske. „Merhamet“ je posredstvom ove aktivnosti prikupio i realizovao sredstva od preko više od 260.000 KM (1.562.020 sek).



„Merhamet“ Norveške u 2025. godini



PODRŠKA KUHINJI U BIHAĆU, UGROŽENIMA DRVA I PAKETI

„Merhamet“ Norveške je uspješno finalizirao četiri humanitarne akcije, usmjerene ka najosjetljivijim kategorijama stanovništva u BiH, porodicama slabijeg imovinskog stanja, korisnicima narodnih kuhinja i osobama koje žive u teškim životnim okolnostima

„Merhamet“ Norveške je u 2025. godini prikupio pomoć za socijalno ugrožene porodice u Bosni i Hercegovini, u ukupnoj vrijednosti od 149.020 kr, odnosno 12.500 eura.

U tom periodu, „Merhamet“ Norveške je uspješno finalizirao četiri humanitarne akcije, usm-

jerene ka najosjetljivijim kategorijama stanovništva u Bosni i Hercegovini, porodicama slabijeg imovinskog stanja, korisnicima narodnih kuhinja i osobama kojima su osnovne životne potrebe posebno izražene u teškim životnim okolnostima. Jedna od njih je akcija „Ogrjev

24/25“ u okviru koje je obezbijeđeno 31.570 kr za nabavku ogrjeva tokom zimske sezone 2024/2025, kako bi zimu proveli u toplim domovima. U akciji „Ramazanski paketi 2025“ prikupljeno je 61.900 kr, namijenjena za prehrambene pakete za porodice u stanju soci-

jalne potrebe.

Za Narodnu kuhinju „Imaret“ u Bihać izdvoje 22.050 kr, za pripremu obroka za najugroženije građane grada Bihaća.

Već je pokrenuta akcija „Ogrjev Zima 25/26“ i do sada je prikupljeno 33.500 kr.

Riječ je o pravovremenoj pripremi za narednu zimsku sezonu, kako bi pomoć stigla onda kada je najpotrebnija.

„Merhamet“ Norveške učestvovao je 7. juna na „Susretima Bošnjaka 2025“ u Hortenu, gdje je imao informativni štand. Posjetioци su se tom prilikom imali priliku upoznati s radom i dosadašnjim aktivnostima „Merhameta“ Norveške, od osnivanja 2019. godine.

Među brojnim posjetiocima štanda bili su i predstavnici Ambasade Bosne i Hercegovine u Kraljevini Norveškoj, uključujući i novu ambasadoricu, kao i gradonačelnica grada Hortena. „Merhamet“ Norveške je posjetiocima nudio i promotivne rekvizite, a prikupljena sredstva u iznosu od 4.617,75 kr. usmjerena su za podršku rada Narodne kuhinje „Imaret“ u Bihaću.



Pomoć partnerskih organizacija u 2025. godini

„HELPING HAND“ U 2025. GODINI OBEZBIJEDIO POMOĆ OD 173.000 KM



„Helping Hand“ je, između ostalog, obezbijedio 97.500 KM za stipendiranje 100 učenika osnovnih i srednjih škola i 15 studentica koje besplatno borave u „Merhametovoj“ Studentskoj kući u Sarajevu. Ukupna novčana podrška ramazanskim aktivnostima „Merhameta“ iznosila je oko 61.500 KM

Organizacija „Helping Hand“ je u 2025. godini obezbijedila oko 173.000 KM za podršku različitim aktivnostima Muslimanskog dobrotvornog društva „Merhamet“.

Između ostalog, tokom mjeseca ramazana, ova „Merhametova“ partnerska organizacija donirala je 1.000

prehrambenih paketa za socijalno ugrožene porodice, čija je ukupna vrijednost iznosila 32.500 KM, kao i sredstva za pripremu iftara u ukupnom iznosu od 29.000 KM. Ukupna novčana podrška „Helping Handa“ ramazanskim aktivnostima „Merhameta“ iznosila je oko 61.500 KM. Ova organizacija je „Mer-

hametu“ donirala i 13.850 KM za nabavku 32 kurbana, namijenjenih „Merhametovim“ narodnim kuhinjama za pripremu obroka svojim korisnicima.

„Helping Hand“ je, osim pomenute pomoći, obezbijedio još 97.500 KM za stipendiranje učenika osnovnih i srednjih škola i 15 studentica. Naime, od tog novca stipendirano 100

učenika iz socijalno ugroženih porodica, odnosno 50 učenika osnovnih škola i 50 srednjoškola, kao i 15 studentica koje besplatno borave u „Merhametovoj“ Studentskoj kući u Sarajevu.

Organizacija „Helping Hand“ je za nabavku 92 metra socijalno ugroženim porodicama donirala iznos od 13.200 KM.



Posjeta Odsjeka za socijalni rad



STUDENTI SA FPN-a U SARAJEVU UPOZNALI SE S RADOM „MERHAMETA“

Studenti prve godine Odsjeka za socijalni rad, na Fakultetu političkih nauka u Sarajevu, zajedno s njihovom asistenticom Vasvom Smajlović-Duranović, posjetili su sjedište Muslimanskog dobrotvornog društva „Merhamet“.

Prema riječima Smajlović-Duranović, cilj ove posjete bio je da se studenti Odsjeka za socijalni rad upoznaju s radom jedne od najstarijih humanitarnih organizacija na Balkanu, koja je osnovana 1913. godine.

Studentima je predavanje o značaju humanitarnog rada, o historijatu „Merhameta“ i njegovim današnjim projektima i aktivnostima, održao portparol



ove humanitarne organizacije i urednik „Merhametovih“ glasila, novinar i književnik Ruždija Adžović.

Obostrano je izražena želja za uspostavljanje tješnje saradnje

između „Merhameta“ i Odsjeka za socijalni rad, na Fakultetu političkih nauka u Sarajevu. Nekoliko sudenata ovog odsjeka, odmah nakon predavanja, prijavilo se za volontiranje u „Merhametu“.

Kenan Vrbanjac ugostio Mirsada ef. Bećirovića



DIREKTOR „HAJRATA“ IZ NOVOG PAZARA POSJETIO „MERHAMET“

Predsjednik HO „Merhamet“ MDD Kenan Vrbanjac primio je u Sarajevu Mirsada ef. Bećirovića, direktor Centra za humanitarni rad (CHR) iz „Hajrat“ Novog Pazara, koji posluje pod okriljem Mešihata Islamske zajednice u Srbiji. Razgovarano je o uspostavljanju

saradnje između „Merhameta“ i Centra za humanitarni rad, s obzirom na bliskost misija ove dvije humanitarne organizacije. Prema riječima efendije Bećirovića, Centar za humanitarni rad „Hajrat“ osnovan je 2009. godine. Između ostalog, u svojih sedam vakufskih kuhinja,

u sedam gradova u Sandžaku, hrani oko 2.000 svojih korisnika, pomaže bolesnim osobama i jetimima.

Vrbanjac je efendiju Bećirovića upoznao s aktivnostima i aktuelnim projektima Muslimanskog dobrotvornog društva „Merhamet“.

Posjeta načelnika Općine Travnik

KENAN DAUTOVIĆ: „MERHAMET JE DRUŠTVENO ZNAČAJNA ORGANIZACIJA“



Načelnik Općine Travnik Kenan Dautović posjetio je početkom novembra Muslimansko dobrotvorno društvo „Merhamet“ u Sarajevu, gdje ga je ugostio predsjednik ove humanitarne organizacije Kenan Vrbanjac.

Vrbanjac se načelniku Dautoviću zahvalio na bezrezervnoj i iskrenoj podršci Općine Travnik i na dugogodišnjoj veoma dobroj saradnji. Upoznao je svog gosta s aktivnostima, aktuelnim projektima i budućim planovima „Merhameta“.

Načelnik Dautović je kazao da je rad „Merhameta“ organizacija od društvenog značaja te naglasio da će uvijek imati po-



dršku od Općine Travnik jer su rad ove organizacije i briga o

građanima u socijalnoj potrebi veoma dragocjeni.